



【小序】

為表彰賢德，鼓勵為善，凡成就卓著及對鄉里社會有貢獻者，悉按年代為次為之立傳（里賢先正）。至於生人列傳固為前志所無，然本鎮近來人才蔚起，允宜加以忠實記載，暫先列表以保存史料，至其臧否褒貶，則俟後人（近代聞人）。

第一章 里正先賢

第一節 宋元人物

陳淵

生卒年月及籍貫均已不可考，或傳其為光州固始人。唐德宗貞元十三年（797），閩觀察使柳冕，奏設萬安監，滋養馬匹，泉中置馬區五，浯為其一。陳淵受命來金牧馬，率十二氏族偕來襄助，與將領李俊、衛傑等協謀併力，化荒墟為樂土，自是耕稼漁鹽，生聚日益蕃焉。陳淵豢馬長於驅策，故馬群滋息，並能聽旗鼓號令，俗乃傳其為天駟降精，視之如神，稱曰「馬祖」。又陳淵諳識草藥，為民眾馬匹療病，故稱其所鑿之井塘為「藥井」。歿後，鄉人懷其恩德，塑其遺像，結草為庵於淵始駐劄之處，歲時祀祝，稱為「護驥將軍」。

顏五郎

賢聚人，名：若佐。

《縣志》載記：「捨浯州庵前山地四頃三畝，建牧馬王廟。」即獻地以建紀念陳淵（恩主公）之「牧馬侯祠」（今孚濟廟址）。

若佐倫輩排序為第五，故曰「五郎」，曾於神宗時期出任柳州「同知」，官「五品正從」，為官期間忠誠勤勉勵精圖治，故《縣志》記曰：「有治聲」。

黃輔

前水頭人，字：仲清。宋代末年進士，才學佳。



輔與元代著名繪畫藝術大師趙孟頫同時代，且往來「相善」。

宋亡元興，黃輔本不事異族之清高志節，遂於日後「隱居於浯洲」，且「卜築金水家焉」，即遷移定居於現今前水頭地區，其子孫繁衍乃成今日前水頭黃姓宗族。

黃輔卒後葬於「牛眠山」，今前水頭黃氏家廟供奉其神牌位，尊其為「開基祖」。

顏應祐

賢聚（厝）人，字：孝先，《縣志》因其孝行感人，列其為「孝友」傳。（《新元史》列其「篤行」。）

祐因元末兵荒馬亂，與母許氏失散，為尋母訪求長達廿六年，足跡幾遍全國各地，終得以在雲南省「蜻蛉嶺」相會，即迎母歸，以盡孝道。當時許多士大夫深受感動「咸歌詩以嘉其孝」；詩曰：「閩泉南詔各一隅，道途相去萬里餘，巴巫水急過於剪，關索嶺峻能推車，顏生遠來憂且喜，視之不啻如平砥，客中見母迎母歸，此生始信堪為子。吁嗟世俗日已漓，為梟為獍不自知。事父母能竭其力，顏氏之子其庶幾。」

後代的人將之與宋代著名孝子朱壽昌相提並論，並奉祀「鄉賢」，入祀「孝悌祠」以仰敬之。

第二節 明代人物

辛一鷺

明代中葉時期人。原居后垵，為天啟時期丁卯科舉人。一鷺曾任「教諭」，後又升任「寶慶府推官」，赴任時攜子辛輝英前往，得子輝英之助甚多。

周文郁

明代萬曆時期人。金門所（舊金城）人，萬曆年間「己丑年」武進士。縣志記「金門所百戶」任職，餘不詳。

木邦和

明代嘉靖人。金門所（舊金城）人，乙卯年武舉人，志記「餘了」。



辛輝英

明代末年清代初期人。後垵人，字臣晦，號木生，其父為辛一鷺。輝英年十九隨父赴任寶慶府，「竭力贊襄」其父，事父母盡孝竭誠、禮，平日助親友「解囊不吝」。

英身處大時代變動，明清交替之際，一切行事作為不受朝代侷限，皆以利民、安民為要。諸如：宣威德以安金、廈兩島之靖，吳三桂叛清之「三藩之亂」，救活百姓千餘人之性命…等。英亦曾遠赴山東任官，且享長壽得年八十有二，其一生可謂「義」、「壽」、「輝英」也！

李煌

明代中葉（弘治、正德）時代人。前水頭人，弘治年間舉人（甲子年登科第）。縣志列入「文舉表」，「文秩表」中亦有簡要記載。李煌曾於正德年間出任山東省嶧縣「教諭」，金門縣志述載其「分修縣志」為所指縣志為何縣之「志」，因記述不詳，仍待查明補述。

邵應魁

明代嘉靖人。金門所（舊金城）人，字：偉長、號：榕齊。自幼「穎慧」為嘉靖時期之「武進士」、「武舉人」；亦是同安縣有史以來「登武第」第一人。

魁任軍職，先後出任要職，諸如：「鎮撫」、「軍門」、「游兵把總」、「指揮使」…等，擔任艱危之討賊禦倭戰役，屢建勳功。俞大猷出任金門所軍政長官，魁才幹深受倚重，英勇果敢，勳業卓著！大猷嘗曰：「邵撫軍來，倭足平矣！」，曾於血戰中，受創甚重，仍裹衣作殊死戰，大猷嘉其勇，惜其才，親為魁「敷藥解衣」。

魁領兵船征戰遍及蘇、浙、閩諸地沿海水域，勳勞極著，惜時命不濟，受牽連，遭誣陷，不得志，此後遂「求去，杜門劫掃」，轉而「校左史，寄情詩酒」。

縣志武舉表述評其「能詩有儒風」而其著有《射法》、《詩稿》行世，故仍一「儒將」乎！？

洪曦

明末人。後豐港人 任「都督同知」，位居副將。



洪恩

明末人。後豐港人 任「都督僉事署正」總兵。

洪暄

明末人。後豐港人 任澎湖水師游擊。

洪公掄

明代萬曆年間人。後豐港人，字廷揚，號：鼎銘。少懷大志，留心邊防大事，「有借箸請纓之思」。其後隨副總兵楊應春征伐黎族，公掄時任「守備」軍職。掄受應春之命深入黎境，誠撫黎人，「皆悅服」，且可將其同化歸順。惟兩廣參將，謀奪掄功，竟企圖夜襲黎部，黎族反滅其師。公掄「憤暴殞」，黎人則感其誠，憐其意，遂「歸其襯」以葬之。掄子為洪旭，孫則是洪磊、洪家玉。

洪旭

明末清初時代人（生不詳，卒：明永曆廿三年）後豐港人：字「念衷」，父為洪公掄，侍子有二，長洪磊、次洪家玉。


旭為明鄭時代重要人物。南明時期投身軍旅，唐王時，因戰功得官，日後為鄭成功，鄭經父子所重用。唐王兵敗遇害，成功父鄭芝龍降清，旭等擁成功舉兵，高舉反清復明義旗，竭誠盡忠，佐助鄭氏父子。

旭在成功收兵南澳，據金廈兩島後，奉成功之命收撫時任漳州千總之劉國軒之歸降，出任成功所設六官之戶部官掌民政。永曆十二年，鄭成功大舉進兵南京，命旭等人留守金廈，已固後方基地。後成功北進雖敗，但以旭留守有功，仍官升「中提督」，封「太子太師忠振伯」。

成功卒，子經嗣位，清兵攻取金廈兩島，旭衡視勢局，建議鄭經曰：「金廈新破，銅山難守，不如退守東都，以待後圖。」經從納其議。

旭在鄭經治台期間，忠臣課國屢有高瞻遠矚之建言，諸如：武備不可失，文武兼備方有可為；築安平砲台，力守澎湖，方可阻清廷侵台。鄭經從其建略，施琅早期攻台，終未如所願，若非日後明鄭內臣謀亂，康熙收台恐大為不易。

旭後以「勞疾卒」，鄭經感念其忠誠謀國，「親為治喪」，並「授其子磊為吏官，兼理戶官事務」。



洪磊

明鄭時代人。後豐港人，其父為洪旭。磊身處亂世，長年隨父洪旭，往來台金廈三地，識見日廣，亦知所進退，其才能亦深受鄭經所賞識。遂能於父逝世時繼任「戶部吏官」，兼掌民政與財政。

永曆二十八年，「三藩之亂」起，鄭經圖重返閩地，以實現反清復明之志，因而「應耿精忠結援，重蒞思明」。鄭經十萬大軍由台灣渡海，進入大陸，所有糧餉均仰賴台灣本土接濟支援，「磊承父志」除等劃大軍運補接濟事宜，且「獨助餉銀十萬兩」。

鄭經藉三藩之亂，謀圖重振旗鼓以完成反清復明大業，雖因與耿精忠之圖謀自利自保而反清，道不同而失利，但若無磊之竭忠盡慮之籌資大軍糧餉，恐無法支撐數年之久，故縣志有「大振士氣」之讚言，蓋良有以也！

許達翼

明代天啟時代人。後浦人，字：用卿、號：搏翥。天啟時期舉人（辛酉年科第），縣志列入「隱逸傳」。孫許秉文列榜貢生。

翼曾任長汀教諭，又升任宣化知縣，清朝判案。後離官職，返鄉家居，以智勇解除海寇侵擾「後浦堡」，亦以家居宅第庇護難民「全活甚眾」。

明朝覆亡，翼誓不事二朝，清廷「屢徵不起」，遂「閉門自晦，勵節以終」。

許煥

明代天啟時代人。後浦人。煥與劉廷憲、李敷明、許達翼等均為辛酉年考取舉人，亦均列入縣志「文學表」。

許均

明代萬曆年間人。後浦人，萬曆癸酉年武舉人，曾任廣西柳州「飲依把總」。

許光宙

明末（崇禎）人。後浦人，崇禎癸酉年登科「武舉人」。

許福

明代嘉靖年間人後浦人，字堯錫，號：西浦。其父為許重華，慷慨好義，



曾力修許氏族譜，未竟再由許福完成。福為嘉靖年間之舉人，又於乙未年（西元1535年）考取進士。縣志列入「義行傳」。福與金門所將軍俞大猷、閩地巡按李元陽，及以德修聞名之黃偉均熟識相善。時值泉州發生大飢荒，百姓遷徙流離失所，許福與其他三人全力投入救災，使災民得以大受「實惠」。

許氏曾奉命出任「江南監察御史」，惜未赴任，即卒，然其鄉居二十餘年，竭盡全力，助族人建祖祠，拓祭田，團結鄉社以禦倭寇，使鄉民百姓得以無憂，其後又繼父述志，續修族譜，對鄉里族人貢獻良多。

許大來

明代中葉時期人。後浦人，為許福之姪，許光卿之祖。為嘉靖辛卯年之科第舉人，其時金門共有七人皆中舉人科第，分別是：許大來、蔡宗德、王臣、黃源、呂文緯、許以明、許贊。

大來曾任萬州之州。其孫許光卿縣志列「宦績傳」，亦掌任廣東新寧縣知縣。縣志評其「有便民之政」。

許以明

明代中葉人。後浦人，字英寔，號見海（或汝明）。乃嘉靖時代辛卯年考取舉人，其時浯島共有七年皆中舉，足證浯島文風鼎盛，人才輩出。曾任廣西興業知縣。

許贊


明代中葉人。後浦人，字惟敬，號次浦，為嘉靖年間舉人，時金門有七人中舉，有「辛卯七子」之稱。任湖廣城步知縣。

許溥

明代末年人。後浦人，曾任「左都督」領副將銜。

許廷用

明代嘉靖時代人（十六世紀中葉）。後浦人，字：惟範，號：南州，縣志列「宦績」傳。廷用為嘉靖朝庚子年舉人，辛丑年進士。父為許鐘會，力督廷用課業，日後方始有成。考取進士前曾任廣東化州、許州兩地學政。取進士第奉命出任江西省新喻知縣，再陞南戶部主事。任職其間「勵清白操，歸囊如洗」。



退隱遯居浯島，時值「島上苦倭寇」，協助同安知縣譚維鼎，圍剿抵禦倭寇奸盜來侵，「屢戰皆捷」，「獲真倭首及奸細多名，斬之，賊始去」。

許鐘會

明代嘉靖年間人。後浦人，一生清高淡泊，縣志列入「義行」傳。鐘會「性古樸…終身不入城邑」，為進士許廷用之父，督子廷用學課，但當時之人「莫知為貴人父也。」享高壽，年八十仍有「以恩例受冠帶」，但清淡自許不赴官方之「賓席」，年八十八卒。

許明廷

明代嘉靖人。後浦人 官居九品，曾任延平教諭。

許鴻岡

明代末年（崇禎）人，後浦人。鴻岡為官至「四品正從」，曾任兩浙「鹽運司知事」，轉任杭州錢塘「三尹」，再任「湖廣楚府史」。

許天申

明末（崇禎）人，後浦人。天申為崇禎時代壬午年貢生，縣志考舉表記述：與陳世忠（陽翟人）、蔡大壯（瓊林人）同為科第，且天申另為「三科副榜」。

許成材

明代末年（崇禎）人，後浦人。成材貢生出身，曾任：「光祿寺署正」、南京鳳陽通判。成材有三子：許國禎曾任「兵馬司副指揮」；許國炳、許國光三人。

許元庸

明末清初人，後浦人，字：世饗，號：鳴和，因「薦辟」而任官，位居「五品正從」。清順治五年，元庸因「貝勒王」率師入閩，廉其才，薦授廣東樂昌知縣，並代治廣寧，除虎患，賊患，民得安居，陞肇慶同知、王府內吏，「攝龍門印」，卒於官。

許懷萬

明代人。「居後浦」（祖籍地不詳），縣志列入「孝友」傳。懷萬性至孝，父親逝世「哀毀逾禮，三年未嘗入內」，均守孝（父墓）於外。懷萬因家



貧遂以「肄業自給」，與許鳴珠「同族也」，餘不詳。

許鳴珠

明代人，「居後浦」（祖籍地不詳），縣志列入「孝友」傳，字：際諧。珠性孝好施，為採購母病所思之萊果，渡海遇風，竟至「舟溺以死」。

許騰曜

明代人（萬曆崇禎年間 十七世紀前期），後浦人，字：用照。縣志列「孝友」傳。曜天性至孝，「父病劇，為嘗糞」；事繼母無微「忤色」。「喜急人困，數為人排難解紛」。善詩文「蔡方伯守愚甚稱之」，嚴督家人力學。

崇禎年間率領族人力抗海寇李魁圍攻後浦堡，因寇賊報恩而得以「脫歸」。其後因「國變（明亡）」，遂以不事二姓之高節，率諸子潔身島上而終！

陳履遜

明代中葉（嘉靖）人，金門所（舊金城）人，嘉靖年甲子科第「武舉人」。縣志載記「金門所餘軍」。

陳鏞

明代中葉（萬曆）人，金門所人（舊金城），萬曆年登科「武舉人」，縣志記「金門所百戶」軍職。

陳居安

明代萬曆年間人，金門所（舊金城）人，萬曆年癸卯科「武舉人」。縣志載「金門所舍人」。

陳昌文

明代天啟年間人（十七世紀），古區（邱）人，字：清時，號：伯武。昌文為天啟壬戌年（西元1622年）進士。出任廣西平樂縣推官時，「治尚寬和」。曾言：「治有三要，清、慎、勤耳」。在「粵九年」，人誦其為「九印召杜」。

擢任「南刑科給事中」時，曾上疏請各郡邑立倉，由縉紳捐粟以備賑災荒，亦勇於彈劾官員之失職，諸如彈劾時任尚書之張鳳翼防衛西北疏忽失職之狀文。其後辛於官。



許材

後浦人，字：從任。縣志列入「文苑」傳。「恭儉孝友，篤信好學」。著作：「詩文集」十卷。

許開

後浦人，「垂髫為諸生」時「每試輒冠」。「懷奇博覽，善古文詞」，每有論述則「上下古今：得失成敗」，多有「獨見破的」。著有《滄南集》…等。

許國禎

明代崇禎年間人，後浦人，文舉表列為「貢生」，為許成材之長子，曾任「兵馬司副指揮」之職。

許國光

明末崇禎人，後浦人，為許成材之次子，光亦為崇禎時期之「貢生」。

許國炳

明末崇禎年間人，後浦人，其父為許成材，長兄國禎，次兄國光均「貢生」出身。

許文起

明代崇禎人，後浦人，曾任水師澎湖地區「游擊」軍官職。

許川

明代中葉人，後浦人，受封「興業知縣」，其子為許以明乃嘉靖年間舉人。

顏應奎

明末（崇禎）人，賢聚人。應奎乃崇禎年間舉人，年少徙學安溪，科第有成，唯縣志載記頗少。

顏山

明末（萬曆）人，賢聚人 曾任山東其週沂州判官。顏山為萬曆時期丙子年貢生，縣志記載資料甚少。



顏辟雍

明代人，賢聚人，由「薦辟」而任官。顏為洪武年間因「明經」而舉授「兩湖鹽運使」同知。

顏嗣

明初人，賢聚人，由「薦辟」任職官。洪武年間，因「明經」而舉任「嚴州府經歷」。

顏望忠

明末人，賢聚人。顏曾任澎湖鎮總兵。

楊文時

明代嘉靖人，金門所（舊金城）人，嘉靖時期戊午年科武舉人，縣志載記「金門所舍人」。

張逢辰

明代隆慶年間人，金門所（舊金城）人，隆慶丁卯年武舉人，縣志記「金門所武生」。

許祥

明代中葉人，後浦人，受封城步知縣，其子為許贄，嘉靖年間舉人。

許羽

明代末年人，後浦人，受封「光祿寺置丞，贈承德郎」。其子為許成材，曾任南京鳳陽通判，故受封位。

盧天祐

明代嘉靖人，賢聚人，字：以順，號：龍泉。縣列「宦績」傳。祐為嘉靖丁酉年（西元1537）舉人，後出任江西省永豐縣令。時「嚴嵩當國，賄賂熾行」，「索永豐」，祐堅拒索賄。其後賊寇擾永豐縣，軍官袁彬督率廣東兵應召殺賊，反賊掠閩浙一帶，祐遂「墜蔽關隘，分兵防守」，廣東亂兵至，聞祐之「清德」，竟「不為害」。其後因屬下失職，祐受牽連，失官。因「為令七月耳」，故「歸，無以為家」，但永豐人，感念其德，遂奉其入祠，以祀之。



金城鎮志



許光卿

明代萬曆人（十六末～十七世紀初）。後浦人，字：用實，號：賓明，縣志列「宦績」傳。祖父許大來曾任萬州知州。卿萬曆甲午年（公元一五九四年）舉人，出任河南西平縣「教諭」，再陞任廣東新寧縣知縣。志評其「器局恢宏，…無脂韋之習」。蔡復一曾贈文讚之為：「門風孝弟，德宇清純，貌無脂縛，言必有倫。」

盧若騰

明末人（生：卒：永曆十七年，享年66歲），賢聚人，字：閑之（海運）、號：牧州。父為盧道炳；弟為盧若驤，子為盧饒研，孫為盧子昂。若騰為崇禎庚辰年進士，出任「兵部主事」時，關懷時局，與黃道周等人以氣節相尚。後因國家遭逢大難，思宗自縊，福王繼位南京。召為「僉都御史」，已察覺朝政「勇私鬥，怯公憤」，果而「南都亡」。其後因其才識，忠誠反清復明志節，故均得南明諸王所任用，唯明末君昏，群臣各擁其主，缺乏團結，為清人各個擊破，大局已不可為。日後雖為鄭成功待為上賓，但目睹鄭軍進駐浯島未能恤民愛民，遂引退「居浯島上，字號留菴」，自此以著書立說，其一生重要著述均在此段時期。



圖11-1 盧若騰明末之能臣，圖為其故居。



（志士先生）「風情豪邁」、「血性注灑」、「一意著述」，其才學「宏通博雅」，面對時局勢變，「身世感遇，憂愁憤懣之什」。故著作極豐諸如：《方輿圖考》、《浯洲節烈傳》、《留菴詩文集》、《學字》、《與耕堂值筆》、《島噫集》、《島居隨錄》、《島上閒居偶寄》等。

縣志列入忠烈傳，永曆十七年，由金渡台，經澎湖病逝，遺命墓誌名曰：「自許先生」。歸葬金門賢聚，現存「盧若騰故居」、「盧若騰墓」均為縣籍重要古蹟。賢厝盧氏宗廟及族譜，均祀錄為崇高位階之祖德先賢。

盧一桂

明代中葉人，賢聚人，字：必登，號：雲達。若騰祖父。桂幼好學，及長「博通經史，成鄉之儒宗」。秉性「莊嚴」，平生無「非禮」之言行。

督導若騰為學「自幼及長」，而騰之精忠亮節，才學卓著，桂之功不可沒。其指導學生課業，重實學，主張循序漸進而上；即經學、史學再學「大家文集」。嘗言：「經以受理，史以該事…然後摹倣時文」則事半功倍也！

居鄉人人敬服，享高壽，得年八十有七。

盧道炳

明代末年（期）人（崇禎朝），賢聚（厝）人，字：懋幾，號：象溟。若騰之父，性「剛毅耿介」，「重諾然」，故「善善嫉惡」。

道炳一生「自少至老」皆「誠信自立，不視不義之財」。其行宜諸如：「見人有冤事…必欲為之吐氣而後已」、「遇里中跣弛少年，面折其過，義形於色」。

其後因子若騰事功，遂封「右副都御史」名銜。縣志列入「義行」傳錄。

盧若驥

明末清初人（？），賢聚人，父為道炳，兄是若騰。明末國家危難，若驥受父、兄之影響，響應反清復明之義舉，後授任為長溪裨將、游擊將軍「總兵官」寄武職，投入抗清大業。

盧思

明末清初人，賢聚人，若騰族弟。從「定國公鄭鴻達，糾義旅於海上」，「幹才敏練，定國深倚之」。其後「官贊書通判，晉…總兵都督僉事」。



盧若驥

明末清初人，賢聚人，盧若騰之族弟，其父為盧文字。

崇禎時期，若騰官拜兵部尚書時，其父即命若驥追隨若騰至京師。其後驥任長溪裨將，則治軍恤民，聲譽鵲起。唐王時期，授驥游擊將軍，扼守關隘有功，日後不論宣撫閩浙以抗清，或血戰閩粵以制敵，均「屢著勞績」。

盧饒研

明末清初人，賢聚人，盧若騰之子。縣志列「隱逸」。饒研承其父之志節，清朝勢力入浯洲之時，平日即以「為釋衲裝，灌園自給，不問榮辱」，充分反映其不事異族之心志。常寄情山水，詩文自怡，著有《細齋業》一書傳世。妻蔡氏，乃晉江蔡道憲之女，頗具文才。

盧檢

明代人，賢聚人，曾任山東萊蕪縣典史。

劉廷憲

明天啟年間人，金門所人（金門城），字：秋岳。廷憲為天啟年間舉人，辛酉年科第，即西元一六二一年考取舉人，其後出任「桐鄉令」及縣「教諭」等職。出任鄉令則「清慎執法」，故鄉邑大治。推行文教則「勤月課」，因此「人文蔚起」。

廷憲一生，主持教育則學生感念，「為建生祠於學宮之右」；為政則桐人感恩，為其「建祠於皂林驛」。卒後入記同安縣志之「鄉賢榮名」。

劉捷

明代中葉（萬曆）人，金門所（金門城）人，萬曆時期庚戌年登第「武進士」，任職金門千戶所「正千戶」。

翁學周

明代萬曆年間人，金門所（金門城）人，縣志武舉表列記為「金門所舍人」。萬曆時期登壬午科第「武舉人」。

黃伯需

明代嘉靖人，金門所（金門城）人。



葉本資

明代嘉靖人，嘉靖甲子科「武舉人」及第。縣志載「金門所餘軍」。

卓氏

明代末年人，籍地賢厝，其父為處士卓碧泉（十七都人），夫為盧道炳，子為兵部尚書盧若騰。享年八十有九。卓氏性仁厚，尚勤儉，貴而不改其素，厚恤婢僕，莊重有度，「志操高節」。

教子有方，若騰年幼即每次周遭人、事、物惕勉戒訓若騰；為人宜謙沖自牧，居官位愈高更應潔己愛民，勿以權位驕人。以子若騰貴，隆武元年封「太淑人」，享高壽。

董夫人

明末人，董氏為鄭成功夫人，金門古坑（古岡）人，字西姑。夫人性平和而才智捷敏，有識略。初不為成功所重，唯「辛卯之難」，董氏以智脫困，成功遂「敬焉」。

對來歸之士與降敵，均能獻其力以「禁奸止殺」。成功卒，鄭經繼立，則於東寧（台灣台南）築園盡孝養。「庚申之役」（三藩之亂事），經棄兩島（金廈兩地）遁歸台灣，董氏數召之以示經人治之道，對馮錫範、陳繼武，器識不堪大任多有提示。經立克塽，克臧被害，董氏聞悉實情憂傷而卒。

李聚（李氏聚娘）

晚明代人，賢聚（厝）村人，盧長卿妻。李氏「容止端麗，嫻於大義」。縣志列入「列女」傳。海寇入侵浯島，長卿「挈家避之」，李氏恐拖累丈夫、家人，「義不受辱」遂投海袂絕而死。日後亂平，長卿歸里以詩悼念。其後之「二子均好學」，長盧賢，次盧應辰皆有科名。

許初（許氏初娘）

明代末年人，後浦人，其父為許文衡，縣志列入「列女」傳。初年十八「美姿容」，嫁陽翟人陳京，京家貧，從軍，初則返回娘家，依父為生。其後清兵入據晉江，鄭泰（鄭成功部署，出任明鄭之「戶官」，成功攻台命鄭泰留守金門）等移居金門，家奴入據文衡宅，泰子鄭纘緒在家奴的勾結下，妄圖初娘，初娘堅貞抵抗，泰不察縱子、奴欺壓，並怒慘殺初娘，初娘誓為厲鬼報



仇。

其後泰妻見初娘前來「索命」，尋暴卒，「越二年，泰自縊死，鄭纘緒則爛喉呢」。（註：史載鄭泰因反鄭為經所殺，子鄭纘緒降清）

蔡氏

明末人，原籍晉江，後嫁歸賢厝夫家。其父為忠烈之臣道憲。蔡氏通兵部尚書盧若騰之子盧饒研。蔡氏乃才女也；「通史書」，「能詩」，「書法秀娟」。惜因「洵經兵火」以致於「遺稿無傳」。疏憾！

第三節 清代人物

盧昴吾

清初時代人，賢聚人，盧若騰之孫。字：載群。志列「隱逸」，昴吾思想意念深受先人影響，一生淡泊不求仕進。平日「讀書不學制藝」，才思則「以詩文自娛」。對祖父盧若騰之才學尤為敬服，故常「取祖父所著書校讎裝演」，今世存盧若騰重要著作，昴吾亦有保存之功。著有：《方輿互考補遺》，《錯叟文鈔》、《戲餘草》。

盧廣業

明代中葉人，賢聚人。廣業為嘉靖癸亥年貢生，盧氏家譜列記。

盧賢

清初人，賢聚人。盧賢為康熙年間貢生，早歲「由台灣學」出身。與許汝舟等人均為丁丑年科第。

洪家玉

字鍾典，後豐港人。旭子，郡諸生，少遭離亂，家祠乏經紀，家玉擘畫祀田，仍捐囊金為胥費。生母舅許者，臨訣囑藐孤，撫之成立。待內戚亦如之。妹有適蔡者，故閥閱家，亂後中落，飲之食之，平日多置樵木，貧不能殮者，給以貲，其陰德，多類此。後移居縣城，子心澄，淳瑛，俱舉人，自有傳。

吳獻卿

後浦人。家僅中資，承父琳遺囑，充白金四千於浯江書院為膏伙。子學



元，字體士，循例捐直隸州，同以善棋名。嘗捐金四百，建修書院旁舍及器物。學元子漪瀾，初學為文，是年即入泮，人以為祖父好義之報。

許樂三

後浦人。善畫貓菜，灑落好結客。東遊臺灣，名藉甚。念同鄉標兵遺戍至無棲所，棄齋宅聚舍之，即今鹿港金門公館也。臘抄，故交貧人，多藉其力度歲。比林爽文作亂，招募義旅，從官軍擊賊，以功授六品職銜。

林斐章


字曼生，後浦人。例貢生。富而好義，年施棺木無算。嘗獨力捐建奎閣，費千金。治家嚴肅有法。孫可遠，守其遺訓，捐資修大溝義塚，充育嬰堂經費。咸豐間，黃得美倡亂，陷廈門，可遠招募餘丁二百名，散給口糧，助官防守，金門賴以無恙。當道欲上其功，辭不獲已，乃讓於堂弟榮邦，得鎮標千總。

林俊元

字秀村。後浦人，父子友，有隱德。俊元為鎮署稿識，掌書記，勤於其職。歷任總兵竇振彪等，皆禮重之。累從師船巡洋，風雲沙汕無不諳熟。書檄文移，多出其手。遇地方公事有關利病者，必力陳於官。晚年閒居，遇善事，皆倡始力行，後浦觀音亭，其倡建也。性尤嗜學，嘗除夕，聞業師艱於度歲，亟典衣餽之。訓子最嚴，長子焜熿，邑試冠軍得售。凡遊泮者，鼓吹偏歷街里，俊元不許。益嚴課之，遂以科試第一，食餼充歲貢。孫豪，領乙未鄉荐。

傅欒

後浦北門人也。嘉慶間，詔於乍浦設廠，赴日本運銅。蘇州王姓出貲承辦，以欒司廠事。未幾，為程姓篡充，欲仍用欒，以重貲啗，辭不赴。程姓辦數年，公私交困，復歸於王，欒仍為整頓，獲利甚巨。欒卒，以子國麟司事。先是，王有子以蕩被逐，國麟令人縱跡得之，困頓如丐，密至私室，涕泣勸誡。其子感悟，乃為延師教之。如是數年，國麟以事至蘇，見王年老，頗以無子自嘆。國麟進曰：君故有子。王愕然，即率以前，翩翩佳子弟也。王喜極，繼以泣。初，國麟父年得修金八百，主人見國麟可用，欲增至千金，謝不受，後國麟卒，王以連年所增之金，積至三千餘兩，歸其家。



薛炯垣

字允中，山仔兜人。家僅中貲，而性好施與，樂行善事，以是家計稍匱，而素性淡泊，把卷高吟，晏如也。喜為詩，著有圭峰吟稿，以子師儀官參將，購武功將軍。師儀性孝友，奉母能得歡心。嘗繪圭峰歸養圖以見志，一時名流多題云。

許開

後浦人，兄元，領官糖往膠州，船遭風碎，元亦病故，官捕元子貞，責償，貧無措，覓死，開時外出，聞之奔回，亟將兒女鬻賣代元。臨別慘傷，見者涕下，事聞於總兵陳龍，為捐俸百二十兩，付開贖回子女完聚，時康熙三十年也（1629）。

盧家椿

字戴年，賢聚人，雍正甲辰科舉人，性篤孝，母呂氏，年九十餘，娛志養親，部檄揀者再，辭不就。服闋，乃銓龍溪教諭，尋卒。所著有學庸講義。

許篤志

官裡人。家甚貧，傭工負販，以資菽水，父嗜芙蓉膏，日需百錢，篤志朝出，得錢必先留如數，供父一日費，餘乃以養妻子。父或憐而止之，則笑語寬慰，奉之彌謹，雖大風雨不稍間，人以為難，後篤志家小康，年七旬，子亦能養。

許澤

字源悠，號荊波，後浦人。善草書，有勇略。康熙間陳霸踞丙洲，掠瀕海地，澤弟巧被擄，傾貲往贖，見功叔溥亦在擄中，念贖此捨彼，難以兩全。乃先贖溥。刻期再往，阻風後至，弟已先一日被害，僅負骸歸，拊髀曰兄弟之仇，不反兵不報，非夫也。適大兵南下，澤募勇夾擊攻之，上功授昭勇將軍、荊門州參將，左遷龍泉關守備，陞真定遊擊，再署總兵事，改任真定城守。罷歸，戒諸子勤儉友恭，念弟前事，涕零，為之立後，割己田予之，年幾八十卒。

許炎

字保生，號瑤州，（同安馬巷志作琰）後浦人。嘗居邑前宅，後復回居



金之董林村，幼穎慧，六歲能詩，八歲作文，年十四即著有寸知編，已入鰲峰從侍郎蔡文勤遊，授宋儒性理書，身體而心驗之。充然有得。雍正甲辰二年（1724），魁於鄉，丁未成進士，授翰林庶吉士。性傲兀，散館磨勘，為暱者所中，改知縣，飄然琴劍，放浪燕、齊、楚、豫、吳、越間，盡發其牢騷不平之氣，境益窮，而詩益工。嘗自謂，車塵馬跡，欲求一江湖散人，煙波釣客，與之旗鼓相當，卒鮮同調。晚賦歸來，杜門嘯歌，蕭然自得。所著《玉森軒稿》，《鰲峰近詠》，《餘鱗集》，《木游集》，《方知集》。

康朝功

僦居金門浦東，為金鎮右營千總。康熙六十年（1721），帶戍兵渡臺，適朱一貴亂，戰敗，什死屍中以免，及府陷，為賊所擒，脫入黃蘗寺為僧，密製大清旗，與把總周應遂輩謀內應，事洩，逃匿破柩六日，寺僧密送食，得不死。清大兵入，隨從殺賊，克復鹽水港，當時有言在偽國公戴穆處受污，總兵藍廷珍力言於制府，為昭雪焉。

董方

古崗人。朱一貴倡亂，陷郡，總兵藍廷珍統兵進剿，方以安平千總，同守備林亮領先鋒軍。賊目蘇天威，率眾據鹿耳門砲台，砲矢雨集，方同亮率快船冒死前進，專攻火藥桶，盡燔之。賊倉皇，陣遂亂。方登岸奪砲臺，天威敗入安平鎮，糾合鄭定瑞黨，扼守海口，兩先鋒奮勇前驅，大兵繼之，克安平。賊復擁眾來犯，清師再戰皆捷，賊嬰城固守，近村賊黨四出應援。方鼓勇衝殺，廷珍率兵夾擊，俘馘無算，遂復府治。一貴率眾遁去，方及諸將追之於大穆降，及灣裡溪、月眉潭等處，至溝尾莊始擒獲焉。方驍勇敢戰，與亮功最偉，故廷珍露布文，有云：忠勇冠乎三軍，雄威溢於千艇，非虛譽也。累官閩安、安平副總兵。

許元庸

字世響，號鳴和，後浦人。初名元鏞，明崇禎間，補府庠，改今名。清順治五年（1648），貝勒王帥師入閩，廉其才，薦授廣東樂昌知縣，代篆廣。地多虎患，元庸至，一切利民事次第舉行，虎遯去。有山賊竊發，勢甚熾，官不能捕，庸單騎馳入寨，陳說利害，賊俯首聽命。陞肇慶同知，尋遷王府內史，攝龍門印，卒於官。



許承澎

字伯崙，後浦人，貢生。以從戎有功，康熙間，授河南鄴陵令。丁父艱，服闋，起補江南儀徵令，在任有政聲，當道交薦之，除松江府同知。尋以老致仕歸。

許永忠

後浦人。康熙間以軍功授貴州遵義府通判，攝府篆。進京，直吳三桂之叛，全蜀響應，不能回任，隨師效力，招降偽總兵姜應熊，克復龍安。成都既定，乃就官，後因事罷歸。

洪心澄

字淳思，號印川，後豐港人，移在坊。年二十，登康熙丙子人，授河南偃師令。丁外艱歸。服除，值臺灣朱一貴竊發，提督施世驃延入幕中。運籌制勝，多出奇謀，事平未議敘而卒，弟淳瑛，康熙甲午人，在松溪教諭，調臺灣，授江南六合令，調儀徵。詳革陋規，冰蘖自矢，剔奸除蠹，吏畏民懷。家居足跡不入城市，人欽仰之。

江永泰

後浦人，籍隸海澄，乾隆三十五年（1770）臺灣大穆降莊奸民黃教謀亂，樹旗岡山，永泰隨官軍追捕，屢戰有功，協擒賊首鄭純黃芳等，累官金門右營守備，署左營遊擊。子明，澎湖把總。

邱良功

字玉韞，號琢齋，後浦人。襁褓失怙，長從戎，為金鎮李芳園所器。時海寇蔡牽、朱瀆等竊發，土匪響應，良功追勦劇盜蘇尖等於銅山，復於烏尋洋、湄洲、南日、祥芝各海口，生擒無算，補把總，嘉慶元年，從遊擊魏成名，擊深滬盜艘，追過澎湖青水溝，擒陳明等。明年，盜聚牙口澳，擒陳三貴於祥芝，擒張阿四於將軍澳。以勞績，蒙御賞獎武碑，硃圈其姓名。蓋異數也。擊賊海壇，擒鄭梅等，再戰，擒吳秤等。臨震嶼礁險絕，賊常出沒其間，四年秋，率師數搗之，洊陞守備、遷遊擊、署參將、護副將。十一年，蔡牽以朱瀆擾北路，突入鹿耳門，攻臺灣，良功率兵會剿，出不意，火攻之，殲其眾於洲仔尾，轉由北汕，與提督李長庚夾攻牽船，幾獲，會潮漲逸去。乃率舟師至大



雞籠，進勦朱瀆，沉其艘。牽再擾鹿耳門，良功衝陣，賊敗遁去。疏入，賞戴花翎，加副將銜。逾年，追朱瀆於滬尾，瀆東竄入雞籠洋，值潮退，守港口困之。南澳總兵王得祿，率師夾擊，瀆遁番界，窮追抵蘇澳，燬其巢，敘功一等，晉安平副將，擢定海鎮總兵，未赴任。



圖11-2 邱良功威鎮海疆，圖為其故居。

十三年（1808），提督李長庚剿蔡牽，戰歿於粵海。明年，授良功浙江提督代統其軍，在定海旗頭洋，追獲牽夥盜船，殲其眾，跡至漁山外洋，偵賊中綠頭大艘者，牽坐船也，揮令諸將擊散餘黨，自以坐駕專攻之，得祿亦率閩師至，連夜追過黑水洋。良功左股被砲傷，裹創搗鼓，督戰益力。時颶風驟起，浪湧如山，忽牽船大蓬掛良功帆上，船幾沉，軍士多落水，勢急甚，猶指揮奮擊。賊砲以番錢為丸，良功大呼曰：賊鉛丸已盡，即敗矣。士卒奮勇，得祿夾攻，牽知不免，同其妻沉於海，餘黨二百六十餘人，並殲焉，生擒胡有均等。捷聞，晉封三等男爵世襲，賞賚有差。旋追餘盜，剿土寇，生擒郭淺等於漁山，再擒網盜於馬蹟洋等處，盡散其黨，俘莊姜等八十餘名。入覲南旋，直溫台盜匪吳屬寢熾，良功督舟師擒捕，時朱瀆已死，吳屬畏威，赴閩投誠，自是閩浙二洋，海氛蕩平。嗣後入覲，道卒維揚，授建威將軍，予祭葬，諡剛勇。



金城鎮志



良功性恬謹，謙以下人，廉以飾躬，事節母甚慎，母病嘗糞。從戎後，以樓櫓為枕簟，波濤為戶庭，專浙閩九年，文檄章疏，動中竅要，謝絕上壽開筵張樂事。浙西多餉蠶，當春行部，戒毋聲砲，養蠶家密祝焉。寧波府試，諸生譁，知府請兵不從，會欽差至，餉以羊百頭，使語來弁云：提軍廉，安辦此，其貸來耶。令回，其清名著聞如此，卒年四十九。子聯恩襲爵，自有傳。嗣子聯奎，候補布政司理問。

楊康靈

後浦人，以行伍起家，魁梧奇偉，最習海上事，積功累官千總，署海壇守備，從提督王得祿勦賊。黑水洋之戰，蔡牽正窘，忽一艘飛帆至，康靈指揮軍士，邀擊之，沉其艘，賊眾皆覆沒，轉舵助王邱二提督，迫牽船，牽沉死，生擒陳盼等二十餘賊。敘功，賞戴花翎，超補海壇遊擊，轉銅山參將，陞瑞安副將，將赴任，卒。子騰蛟，外委千總。康靈每接仗，痛飲登尾樓指麾舵師，不避砲石，當時有五虎之名，康靈及林廷福、黃志輝、劉高山、劉求生，皆水師飛將。求生，水頭人。短小精悍，臨陣輒持火器，登桅尖。擲入賊舟，所當糜爛，功為諸將冠。蔡牽嘗啗以萬金，不為動，鎮帥知，益重之。性跼齷不羈，以千總終。

林廷福

字錫卿，號受堂，後浦人。嘉靖初，數獲海盜，拔千總。蔡牽攻臺灣，清大兵東討，廷福隸總兵許松年麾下，一戰擒林望等，沉其舟，登岸燬賊巢，奔回舟，夜又隨大軍駕小船縱火擒賊四十餘艘，死者千數。旋從提督李長庚追擊蔡牽，幾獲。又曾捕朱瀆於閩浙澳洋。十二年冬，從許松年追朱瀆於廣東之長汕尾，連環轟擊之。擢守備。剿駱仔蘆等四百餘人，復於柑桔洋生擒劉貴等。敘功一等。監造金州戰船，補天津營遊擊，以缺裁改海壇遊擊，護副將。時鳳山滋事，帶兵赴台，搜獲賊目吳賜徐柑等，誅之，嘗扮漁艇誘獲土盜，尋調澎湖遊擊，時臺灣閩粵民不靖，領兵赴台，搜獲陳愿各匪犯。西螺堡有盜魁林溜者，計誘之來，厚款之，即為申請受官，溜喜，然身猶懷刃，忽言曰：世無利器。溜解一刀獻，熟視笑曰：頑鐵也。擲諸地，復解一刀獻，擲如前，徐自出一劍曰：是乃豐城寶耳，他日上昇汝。自是日同臥起，溜喜過望，而廷福已飛牒總督，謂溜羽翼多，若檻車起解，恐要奪激變，日置酒邀溜，佯賀曰：朝



來牒下，即官汝矣。令華美其衣服往，而沿途設伏甚嚴，及見總督問：汝林溜否。方應聲：是。則首已落矣。其徒見有備，散去，遂以卓異遷烽火參將，署閩安副將，卒。廷福鯁直，不畏強禦，嘗言風雨晦冥，賊必伺間出沒，假扮商漁，誘就縛，且令賊黨相顧，懾為疑兵也。每臨陣，必自行捩舵疾驅奮擊，故所向有功。在澎湖時，常苦旱，倡建龍神祠，為祈報，民德焉。子樹梅，別有傳。

陳光求

字耀臣，號蕙圃，後浦人。乾隆間，從戎金鎮，先後擒盜甚多，拔把總，嘉慶元年，盜掠石浦米艘，追而俘之，獲所掠米，制府犒袍及鎗。劉嘆善鏢鎗，為海上患，亦被縛，由是賊震其名。旋從李長庚追艇賊，鏖戰崇武外洋，勝之，復率師平蓮河山之賊，擒吳壇等。四礮洋之戰，發大砲殲持舵者，乘勢斫殺，執巨魁陳標，奪其船，遂由千總補守備。再從李長庚追蔡牽，獲李晏等於吊枋洋。牽族子蔡天來，分路肆掠，一戰擒之。檄回營防守。前後梟許包，囚方溪，轄洋以靖。未幾，牽黨竄入浯洲港，光求率快艇迎擊，腹被鎗腸出，暈仆地，遽起束其腸，跳過賊船，砍斃二賊，舉船賊眾盡獲，起出硫磺七千餘觔。事聞，傳旨褒嘉，御筆硃圈其姓名，給功加，先換遊擊頂戴，補遊擊，署金門右營遊擊。緝獲土盜鄭類等。奉檄隨福寧鎮項統軍梭巡金銅南間，堵截張保仔各艇賊於大柑，擒陳成宗，復擒林阿冥於鬻澳，嘗正月朔日，戒軍士曰：此擒賊時也，賊醉舞隱澳，可掩捕之。果於龍虎嶼、七星洋、懸鐘洋，擒王樵等各賊目，擊碎多船，自是粵艇不敢闖入闌界。又扮商出硤口洋，土盜許志飛帆來襲，奮擊大獲，檄署烽火參將，仍回廈門遊擊任，超安平副將，未赴，署銅山參將。唐沙五幫，伺壁頭洋，擊之，追及小麥洋，多所俘獲，諜知店仔灣北江，賊艇出沒，乘疾搗之。自蔡牽，朱潰殞後，餘盜黃茂猶、張光求，再搏擊之，茂竄過臺洋，制府令赴安平副將任專堵截，捕之嚴，遁去，旋授定海總兵。土盜李阿富伏道入港，遣將芟除殆盡。尋謝病歸。道光五年（1825），起補蘇松總兵，借署京口副將，回蘇松任，復告歸。光求修髯偉幹，力能舉三百觔，侃直無別腸，喜文士，疏財重義，葺祖祠，置祀田，浦西南有通衢，泥濘沒脛，為砌石隄，人免病涉。修義塚，累千數，解衣推食，其小也。卒年六十八。子省三，附貢生。



文應舉

字君賢，號矛山，先世粵人。曾祖際高，歷官參將，先為金門遊擊，因家後浦，嘉慶元年（1796），應以外委從總兵李南馨，在深滬擊獲謝心等賊，又偵將軍澳有賊艇，急請南馨圍獲之，敘功一等，由是獲陳桂於賊仔澳，獲譚杜能於蘇尖，獲盜呂送於大墜。而大礮洋之捷，功尤多。洋匪朱卑出行劫，應蹙之古雷洋。攻沉一舟，餘眾遁。或告以窮寇莫追，應舉不捨，直搗宮仔前，奪舟四，盡覆其黨。蘇禮匪船出虎頭山，掩擊之，生擒七名，奪船一，放回被商艘。浙帥李長庚稔其能，檄往浙跟緝，青龍港之戰，奮銳擒彭求多名。長庚之回閩，屢奏捷，其著者，湖仔角、鬻澳、宮前、古港，皆多俘馘。洊升至廈門右營遊擊。駕舟赴金州，補天津大沽參將，遷廣東海口副將。道光間，擢揚江鎮總兵，調瓊州鎮，予告歸，年六十卒。從子成材，守備。士輝千總。

文成才

字子弼，千總應彩次子，總兵應姪，嘉慶七年，充金門鎮標戰兵，屢隨軍巡洋，剿盜船於北椗洋，擒曾廷等，補外委，撥赴臺灣換防。總兵武隆阿，以成才年力壯盛，烏鎗熟習，遷澎湖把總，署本營千總。道光元年，補福寧千總，署烽火門守備，題補閩安左營守備，引見回營，護理海壇右營遊擊，管帶兵船出洋巡緝。曾於福清莆田兩屬，擒逸匪林季文、陳舉、黃添、黃炎多名。臺灣張丙倡亂，總督程祖洛渡臺，檄成才承領餉糈，東渡抵臺，運赴軍前，事竣，擢安平中營遊擊。在任病卒。

郭揚聲

字騰圃，後浦人。七歲入塾，嘗指揮群童戲為列陣狀，以糖餌作軍餉，散給必均，師奇之曰：此兒將來必以武略顯。既長，性豪放不羈，入金門右營編伍，戍臺灣，補營外委，遷把總，道光三年（1823），提督許萬齡巡臺，檄捕內山賊魁林永春，並馬鄰山洋盜，擒之。護理艋舺及滬尾守備。張丙等倡亂，揚聲於雞籠張莊，擒逆黨蔡歡陳硯等，誅之。擢安平千總，補澎湖守備護理遊擊事。旋以歷任在洋獲盜功，賞戴花翎，越級升補遊擊，駐守鹿港。漳泉分類械鬥，揚聲建議謂：勿縱兵以擾良民，勿過激以釀巨禍，嘗道躪之，遂親履各莊，召鄉耆諄諄勸諭，餘黨皆知所警。時奸匪乘機搶掠，難民赴鹿港，號救無虛日，乃倡率殷紳捐貲賑恤，親率弁兵會知府全卜年彈壓安撫。事甫定，而颶



風為災，海水挾大雨盛漲，下湖更甚，復設法查恤，死者瘞，亡者歸，活者二萬餘人。署澎湖副將，移署安平協副將，安平緝捕尤繁，而兵缺口糧，揚聲會商知府，以嘉慶十七年（1821），所存部帑，生息源源接濟，由是眾益用命，相謂曰，嚮來月餉必攤扣，至是始免，真造我於無窮也。乃奉揚聲祠位，私祀於安平武廟。總督劉韻珂，以揚聲材，奏請越級超擢安平副將，亦異數也。揚聲雖起家戎伍，恂恂有儒將風，於文員不存畛域，遇事必虛心察詢。先後在臺澎二十九年，熟悉南北洋務，及盜蹤出沒，遇有緝捕，往必獲。待下嚴而有恩，故所屬樂為用，撫群季恩誼甚篤，歲割俸廉養贍，遇文人必折節敬貌焉，後以升任副將，入覲，順途回籍葬母，卒於家，年五十有七。

吳建勳

字勳齋，原籍永定縣，祖亮興移居後浦，嘉慶二十三年（1818），建勳充金門鎮標右營繚手，赴戍臺灣，拔外委，班滿回遷金門千總，廈門守備，迭護理前營右營遊擊。屢獲洋盜周吃等，擊其船，燬其巢，題補遊擊。復於紫泥社等處，獲吳生毛、唐漢、林貶、周交各海寇，以功題升參將。署閩安協副將，總督鍾音保奏，堪勝總兵之任。道光十九年（1839）入覲，召見三次，交軍機處記名，累署海壇、金門海總鎮，嘗扮商巡緝湄洲外洋，獲盜無算，擢廣東水師提督。時海氛告警，靖逆將軍奕經派守永清門，旋以夾板退出，檄還砲臺。飭赴新任，並揀帶水勇前往虎門查收各砲臺，適張斌師船失事，關防砲械被盜搶失，建勳即出洋分派將弁，追至洋浦北黎，獲盜犯吳祖帶等復在洲墩狗頭山及儋州一帶，先後擊沉賊船，生擒譚保多名。九月，盜首梁亞喬、吳亞美等，帶船十隻，率賊夥投誠，事平班師，而總督祁士貢已以廉州辦賊功，奏保副將賴恩爵等，建勳遂據實互奏，報聞。建勳論事剛直，性清勁，不可私干，嘗議頭山不可建砲臺，宜於山左沙擔為便，與士貢意見不合，恩爵曾囑為保舉，願以萬金為壽，建勳拒之，恩爵懼，遂與士貢子相結。至是士貢參奏建勳操防不力，奉旨降為副將，留粵補用，又參建勳前議頭山砲臺，及山左沙措擔無庸建設，指以為罪，嗾建勳所革書識何龍韜，摹擬建勳手書函稿為佐證，建勳疏辯。會恩爵接署提督，委任屬員煨煉成獄。建勳欲再疏請申理，不得達，乃誣服。遣赴軍臺效力，後奉赦回籍，卒於家。



蕭興邦

字績齋，後浦人。原籍閩縣。祖富，死林爽文之亂，給世職，父國華，同安營守備。嘉慶十八年（1813），興邦襲職，歷署閩安守備都司。道光初年，在羅湖洋面，擒洋盜陳盛等。卸任，從提督許松年赴臺灣，辦北路械，獲犯甚多，得優賞。署海壇左營遊擊，補金門左營守備，署游擊。先後在嶼頭、峰尾、五堡厝、許澳口、槐、輞川、前營澳等處，獲盜林顯、劉順、邱業、劉懷、李臨、陳雍、何杯、林文等。旋回守備任，即督船巡輯於小垵口，擒周髓等。又先後獲劉眼及黃雲、李必勝於謝厝港。東會晉江知縣，圍捕洋匪張赤、邱飯，陸續獲其船。每隆冬，巡緝不輟，拏盧質、康對、曾降、楊理、何燕、黃勇、劉永俞各賊目，總督程祖洛，委護左營遊擊。又以興邦才具明練，緝捕勤能，題升廈門後營遊擊。時海盜熾甚，興邦接到部覆，日日在洋剿賊，大小二十餘戰，上至浙江東基洋面，南及汕頭，先後獲盜百餘名，船隻器械無算。引見領回任，檄署銅山參將。派千總莊維超扮商巡緝，在汕頭獲陳蒲等，復會同各營官兵，赴燈火垵拏洋盜吳蚶等多名，始回遊擊任，奉派統帶師船督緝。以在洋多年，染患濕氣，因病乞休。歸，年甫五十，咸豐三年（1853），卒於家。

林章梗

字蒼翹，號荔汀，後浦人。系出長泰林氏，為邑中望族，父文湘，學者稱秋泉先生。章梗弱冠失怙，家貧，力學不倦，與呂西村孝廉以文字相切劘，學益進，遊長泰庠，補增廣生，後援例貢於成均。嘗應提軍竇振彪之聘，禮遇隆重。歲試優等，肄業鰲峰書院，省中大老皆器重焉。咸豐三年夏四月，小刀會海澄黃德美倡亂，襲廈門，踞之，遊擊鄭振纓戰死，提督施得高退泊鰲五店，鋒銳甚不可當。金門密邇廈島，眾心惶惶，無固志，奸民許款等，斂財附賊，發有日矣。總兵孫鼎鰲、縣丞郭學典，倉卒不知所出，謀於章梗為緩兵計，無敢應者。章梗慨然曰：寇深矣，當拼此七尺軀，為數十萬生靈請命。遂單舸詣德美，說之，且曰：金之於廈，一孤島耳，地瘠民窮，何足以煩師旅，許款無賴，卻以圖報復，恣貪饕，必聽其言，恐遠近人人解體。德美聽之，因欲留章梗，章梗以計脫歸，會官紳籌守戰策，勸捐募團民丁分駐要隘，箝制內應，不得間，刁斗聲達境外，德美偵知之，而以為賣己也，欲立吞金門，飽其肉。以



六月十六日大舉直撲，戰艘大小七十餘艘，砲聲震海天，章梈親自督戰，合官紳力扼中港，破之，於是遠近皆知賊之易與，益修戰備，賊不得逞。明年，廈門復，德美伏誅，說者曰，章梈一行，而數十萬生靈得無荼毒，其有造於金門甚大，而不知此猶小耳。方賊外起時，破遊擊，敗提督，兇焰甚熾，莫敢撻其鋒，向使金門附而氣盡張，挾其無前之勢，將全閩悉被蹂躪，豈直金門已哉。當是時粵逆窟金陵，江西糜爛無隙地，一旦越嶺而與之合，其流毒更不知何底。事平，論功不之及，章梈處之泰然。性倜儻不羈，善談論，慕魯仲連之為人，遇事敢言，尤喜培植後進，誘掖獎勸，不遺餘力。卒年六十有七歲，子六人，資熙字警甫，由拔貢生舉於鄉，考授八旗教習，生平私淑程學，寢饋於四子六經，不慕勞利，以師儒自任，授徒甚眾，一時雋才，多出其門。卒，年未四十，儒林惜之。資杰，歲貢生，孫乃斌，優廩生。

蕭南樞

字杓齋，後浦人。少讀書，通大義，家貧從軍，充鎮標稿識，總兵竇振彪延為記室，振彪官廈門提督，奏摺書檄多出其手。每巡洋，必與俱，料敵決勝，前後獲盜無算。道光間，補廈門千總，振彪嘗欲為請獎藍翎，辭不受，以讓諸將之有功者。時洋匪江扁鵠最悍，南樞以計招之，扁鵠亦雅聞其名，遂由南樞請降，全活無數，以功署廈門中營守備，卒於任。年五十有二。

蕭邦佑

字俊亭，後浦人，蕭南樞之次子也。疏財重義，有父風。以屢獲海盜，又擊破小刀會匪，補把總，旋因粵東艇匪騷擾沿海，隨閩海協吳鴻源擊敗之，敘功補千總，賞戴藍翎。咸豐十一年（1861），浙江金錢會盜起，髮逆應之，邦佑率勁旅三百，隨統領秦如虎克復福鼎、錢倉、平陽等處，值髮逆攻溫州，邦佑以所部擊退之，復奉檄援瑞安，再克復青田處州兩城，論功補守備，後髮逆佔踞漳州，邦佑帶水師進勦，補水提左營守備，又陞閩安左營都司。閩督左文襄器重之，檄帶兵校駕舟冊封琉球。同治六年（1867），陞福寧左營遊擊，旋署閩安協。上峰以其熟悉風雲沙汕，使督造奉天外海戰艦。光緒十一年春（1885），授銅山參將，整頓地方，訓練兵士，銅山民深德之，秋七月，卒於任，年五十八。



金城鎮志



林捷輝

字齊甫，後浦人。父俊元，金鎮稿識，屢隨總兵陳化成、竇振彪巡洋，風潮沙汕，靡不熟悉。先是母舅劉高山，官淡水把總，攻捕海盜，歿於陣上，上官將以他故誣陷，捷輝次兄穆如，時在台灣，據實申理，事得白，如例優恤。高山子紹勳襲職，捷輝長兄焜熿，憐而養於家，為延射師，購良馬，命同捷輝習射，遂皆以善射知名。時海寇蔡朱既誅，其黨尚夥，捷輝屢隨軍剿捕，積功補金門左營千總，嘗帶師船追擊盜船至深水外洋，自起操舵擊，兩船拉，以之，短兵接，巨砲無所施，捷輝擲火藥罐於賊船，紛紛落水，我兵亦傷，乃拔劍大呼曰：隨我過船，得賊資，悉以分給。我兵帶傷齊奮，忽大風捲浪，折，賊船得乘勢颺去，捷輝恨甚，咯血得疾。歸，病亟，猶大呼殺賊，以手擊床，作鼓聲而卒，年僅三十有四。

許瑞聲

後浦人，副將揚洲之弟。道光二十（1840），由金門左營戰兵，調赴臺灣拔補額外，署外委，曾在浮鷹洋，擊沉盜船十二，生擒陳圭等，補銅山營外委，遷把總，署千總。臺灣林供滋事，隨本營遊擊王國忠，渡台剿捕，擒股首黃再基等，誅之，賞六品頂戴。後隨遊擊李朝安赴嘉義防堵，擒匪徒吳對等凱旋回營，總兵連科保舉勦捕出力，得旨以守備儘先補用。小刀會黃位匪船逃竄澎湖洋面，瑞聲追至西嶼外洋，獲劉烏目等多名，遷滬尾營水師千總，調補澎湖左營千總，歷署澎湖安平守備。同治元年（1862），戴潮春陷彰化縣，攻嘉義，甚急，瑞聲奉檄帶兵赴嘉義，與知縣白鸞卿，相度要隘，安置砲位，派兵固守，旋聞賊首龔虎晟率眾來犯，勢張甚，即與副將王國忠出城迎擊，斃賊多名，隨機堵勦，城賴以全。提督吳鴻源委署安平中營遊擊。賊平，敘功以遊擊儘先升用，卒於任，年僅四十餘歲。



盧成金



圖11-3 盧成金宅。

字維麗，號芬亭，後浦人。幼有大志，家貧，稍長即棄學投金門鎮標充伍。旋戍臺灣，隨師船捕海盜，迭建首功，見知於金門鎮帥林建猷，拔額外外委，管駕戰船，從巡南北洋，獲劇盜甚夥。咸豐三年（1853），超右營經制外委，時小刀會匪竄陷廈門，忽以船七十餘艘攻撲金門，成金與鑾戰於中港及金龜尾，轟巨砲迎擊，值風逆，砲中熱砂反撲，成金立舵樓，面血涔涔下，不自知也。戰益奮，卒追奔至大擔洋，燬匪船殆盡，旋進剿廈門，登岸即燬賊砲，據要害，斷其糧道，遂同大兵克復廈寨。並攻復鼓浪嶼要口，奪回軍械，搜捕逃逆餘黨。四年，以積功補提標後營把總，七年總督王公，檄赴順昌縣轄援剿髮逆，至即駕駛砲船，沿河堵禦，殲賊無算。是時幫帶林榮邦，分駐順屬洋口，餘氛未靖，為縣令所劾，成金力解於統帶，代任其責，即星夜率所駕乘流迅駛，直抵洋口，未及曉，已攻燬賊巢，俘其正犯以歸，榮邦因得免罪。八年，將樂告急，成金又率所部赴援，甫達境，即收復南口等村，移紮高灘，又攻復三澗渡積善各村，遂約縣令馬某乘勝兜剿，追至孔山，賊正渡河，出其不意，襲擒偽軍師饒象晉餘泉驚潰。於時總督王公，以先後防剿順昌出力，檄以



金城鎮志



千總儘先補用，並先換五品頂戴，既而石達開以大股悍隊逼縣城，晝夜環攻，危如壘卵，且城中乏砲械，眾心惶惶，成金顧謂馬大令曰：公第督木石應，某當力守無怖也。遂登陴，百計堵禦，無間可乘，忽中夜聞微震聲，知賊穿地道為轟城計，亟下急令，括囊囊袋立築子城，城甫就而大聲陡發，砂石飛揚，呎尺莫辨，圯外城十餘丈，敵之大隊逼城下，肉搏爭登，場上矢石雨注，當者斃。然敵勁甚，攻益力，正危急間，彈藥又告匱，乃以倣製春秋砲石，藉資射擊，勢稍懈，而圍仍不解。入夜，成金更募死士，縋入賊營縱火，賊始驚潰，圍解，翌日分隊出城追擊，成金首先陷陣，所向披靡，馳入煙火中，斬其驍將以徇，賊乃悉竄，捷聞，總督王公以成金身歷五十餘戰，獲保危城，厥功尤偉。據奏，得旨賞藍翎，以守備儘先補用，九年，檄赴洋口、永安、安溪剿匪，事竣，掣補福建水師提標左營守備。

十年，總督慶端以堪勝水師總兵入告，委護南澳鎮中軍遊擊，視事未旬日，即奉調馳往延建防剿，在沙溪口城門衝一帶，擒獲逆匪多名，焚燬賊巢數十，後調授浙江衢州，隨大軍克復江山、常山二邑。十一年春，廷諭賞換花翎，以都司升用。三日，奉調援閩，馳至建郡，聞江常警報，即折回扼紮仙霞關擊退賊匪。境甫靖，復赴浙，是冬進紮溫州，剿辦平陽、瑞安金錢會匪，生擒股首潘宗英等數十人，同治改元（1862），凱旋署理金門鎮右營遊擊。二年陞南澳左營遊擊，督帶水提師船商艇，緝捕洋盜。十一月，署銅山營參將，仍統水師。三年冬，髮逆竄陷漳郡，詔安相繼失守，縣令趙子美闔門殉難，銅山僅隔衣帶水，而兵糧積欠已四年，呼應不靈，島惶懼，成金至，集紳衿勸諭，殷商傾囊助餉，士氣頓振。用輕軻載砲迎擊，逆眾不敢進逼，卒保危疆。旋丁母憂，回籍守制，十年，總督英桂密保水師出色人員，以成金有專閫才，薦於朝，奉旨交軍機處存記。既而浙江黃巖改海門鎮署，總督文公，奏以成金護鎮篆，時移營伊始，成金蒞位，苦心經營，不逾月，凡百俱，台州府劉款見之，服其才。十二年（1873），入都引見，召對稱旨，交軍機處以總兵遇缺簡放，旋授浙江乍浦協副將，乍浦當江浙兩省要衝，為海疆重地，兵燹甫經，營政紊亂，成金履任，悉心整頓，部署一新。時值海氛告警，浙撫楊昌濬，函召面決機宜，至則屬以修建保安城陳山嘴各砲台，時成金方病瘧，力疾視事，與工役同作苦，行道者見之，不知其為協帥也。



光緒六年（1880），捕獲販私船數十艘，以鹽解局，估值分賞弁兵，以船變價，製旂甲，建營房，涓滴歸公，不費庫帑，而軍容頓改，同城徐同知臬贈句云：忠勤報國酬知己，廉正持躬到古人。蓋紀實也。七年春，浙撫譚鍾麟巡閱海口，見乍浦部署謹嚴，軍容壯盛，荐於總督何璟，奏署溫州總鎮，下車，即破除情面，力矯積弊，嘗劾一屬員，浙撫某喻意溫處道緩頰，成金不為動，某撫銜之，而終無疵可摘。故溫處道溫忠翰，稱為直道而行勁節君子，而總督何公亦以尚能任勞任怨聞於朝，九年回本任。又值海疆戒嚴，成金督飭兵勇，不十日築土壘百餘里，設備嚴密，又作假砲臺以疑敵，於是濱海儼同紫塞。越春，法艦攻鎮海關，砲聲相聞，民心搖動，成金激勵士卒，躬親巡邏，泉賴以安。及秋和局成，成金見時事日非，即引病歸，去官之日，軍民遮留，請立生祠，峻之曰：無陷余罪，厚我多矣。居鄉惟課耕課讀為事，暇則一卷自怡，鄉人有乞一言為左袒者，則曰：均鄉人也，獨厚汝，吾不敢。苟有裨於閭里者，又必竭力提倡之，生平廉潔處己，忠恕待人，而剛直不阿，遇事敢言，尤非權力所能奪。任水師營時，屬下把總宋飛熊，為閩撫所劾，成金以非其罪，封還其檄，為申辯至數十以上，僚皆咋舌代危，卒藉力爭得解。在官三十餘載，非宴會無盛饌，非禮服無華美，凡所執行，皆視職權所至，不僭不阿，遇公家事則又無分畛域，赴之如不及，乍浦處浙東偏，與江南華亭縣接壤，華之拓林等鄉，嘗逼歲除，有盜擄人，鄉民奔告，成金即命師船扮商往，弁兵以越境有難色，成金立趣之行，翌晨獲盜十餘，並歸所擄者，華民德之。性至孝，常以丁父艱適在洋追賊，不得奉臨，引為終身恨，每語泫然。覃恩誥授武顯將軍，卒年七十有四。子長松志，次植志，均同安縣學附生，三棟志，外委把總。

林可遠

字秉脩，後浦人。生平有豪氣，為人抱不平，遇地方義舉，則爭先為之。後浦大溝義塚，久崩塌，咸豐元年（1851），可遠與紳士林焜熿謀修之，首捐巨款為倡，修墳數千，拾其暴露者四百餘掩埋之。有子孫者則給資使自葺，人多德之。三年夏，小刀會倡亂，黃德美攻陷廈門、漳州、同安，其黨黃位率舟師寇金門，先是無賴許款等密與賊通，將為內應，警報日急，縣丞郭學士典，謀於可遠，為守禦計，可遠遂自備餉稽募鄉勇四百人，分守金龜尾各要口，以輔兵力所不逮，至是寇來，可遠與功弟千總榮邦，親自督戰，令官軍夾



擊，大破之，孤島藉以保全。事平敘功，由太學生保以通判選用。同治九年（1870），歲大歉，可遠倡辦平糶，全活甚眾，興泉永道定給利周鄉黨匾額以獎之，一時有功在生民，澤及枯骨之頌。孫均德，善繼先志，遇事能持大體，光緒十八年與紳士林豪、林慰蒼，謀建節孝祠，時論躋之。甲午以後，里中連年大疫，鈞德亟捐大崎課園為義塚，不兩年纍纍無隙地，又倡設贈醫局、同善局、施藥、施樁，以拯貧者，按月具貲恤孤嫠，不少吝。歲乙亥，米貴甚，鄉人患之，鈞德請於當道勸捐殷富開辦平糶局，不辭勞瘁，事竣，興泉永道管元善給義勇可風，金門縣丞萬鵬贈祖武克繩各一匾，卒之日，遠近聞之，有墮淚者。

蕭富

閩縣籍，居後浦，為金門後營外委。從征爽文，隨副將丁朝雄防堵海口南路，賊攻郡城，協力禦之。將軍常青攻南潭，命為前鋒，夜半用疑兵綴賊，賊果疑，四面分禦，富密領健卒從莊後掩擊，大隊軍會攻，遂克南潭。旋以救援諸羅，戰死鹿仔草。賜恤，世襲雲騎尉，子國華，襲任同安營守備。孫興邦繼襲，自有傳。

胥獻珪

號元圃，後浦人。為廈門後營千總，署澎湖左營守備。乾隆五十一（1786），林爽文亂，帶兵渡台，隨遊擊蔡攀龍北援諸羅。師至半天厝，遇伏陣潰，見攀龍坐馬重創，急換騎，賊大至，衝突不能出，力乏被執，喻降不屈，賊怒，支磔之。事聞，賜恤，世襲雲騎尉。獻珪善草書，素質直，能急人困。為淡水把總時，友人黃三貴被誣繫已經年，力白諸有司，得釋。又有傅姓者，負民錢三百，債家索急，將尋死，竭所有代償之。子德恩，襲任本省陸提右營守備，署安海都司，奉差買馬，直河決，行至中途死。孫貞咸襲任至廈門守備，署遊擊，能詩。

曾元章

後浦人，守備翼成子，金門左營把總。嘉慶八年（1803），帶兵戍台，舟至料羅，遇颶風失維，漂至台州，擊碎沉沒。蔭一子把總。



許攀桂

後浦人。安平中營把總。海寇蔡牽竄入鹿耳門，攀桂分駕快船，力戰，被賊砲焚死於海中。蔭一子外委，附祀後浦昭忠祠。

黃志輝

後浦人。參將載老從子，負膽略，能戰，隨剿南北洋，積功累擢烽火門守備，題陞金門左營遊擊，未任，嘉慶十二年，從總兵許松年追朱潰下南澳，至長汕尾及之，首壓賊艦奮擊，賊艦壞，志輝船亦撞碎，清軍撈救，猶攀住舵樓，大呼，我死不足惜，急擊勿失。倏為巨浪捲沒，潰亦獲誅。事聞，賜恤，世襲雲騎尉，祀後浦昭忠祠。子忠貞，襲任三沙遊擊。

邱成勳

後浦人。提督良功從子，以白衣効力行間。嘉慶十四年秋，良功追剿蔡牽於漁山，兩船比短兵接，成勳奮身格殺，中傷落海淹沒，牽亦斃。事聞，照把總例賜恤，世襲雲騎尉。

劉高山

字文錫，號止亭，後浦人。寄籍閩縣。少讀書，見海寇日熾，乃去從戎，精習海上事。嘉慶二年，隨總兵李南馨剿賊於佛堂澳，血戰受傷。土豪侯沛善拳棒，入海接濟，無敢往捕，高山夜選壯丁，突入臥室，縛之。蔡牽出烏坵逐商艘，高山追及之五堡，陣方交，有女盜裸而受砲，砲噤，高山亦裸擊之。斃。牽脫去，奉檄分扼將軍澳，遇艇賊張阿四、陳六，殲之。哨至海壇，俘其目吳枰。從攻艇賊於蘇尖，賊圍南馨船，高山直入殊死戰，親擒黃有喜，拔外委。卒遇賊廣東汕尾，焚其艘，生致粵賊吳營。從遊擊陳名魁，擒賊黨董永等人，名魁薦於鎮，或讒其使酒，久不遷官。旋從擊朱潰於南澳長汕尾，我師少，眾心動，高山舵直進，諸船競奮，乘風飛擲噴筒，賊多燔潰中創死。又殲蔡牽義子，並擒陳成等多名。補經制外委。掩擊鄭敏於龍虎嶼，賊泊店仔灣，天寒港險，高山乃飲軍士酒，人一鷓曰：心悸者退，眾踴躍乘潮進，奪其艦以歸。先後擒賊無數，多犒白金。尋調赴海壇，轉閩安戍安平，始拔把總，再戍滬尾。船遭颶，夜漂至靖海擊碎，釘夷右股，昏黑泅水，得生。道光元年，同守備陳得揚，外委林應昌，哨噶瑪蘭洋，突見白底盜船，蔡牽餘黨也。約左右夾攻，賊竄入碗光澳，澳下皆鹵古石，舵師怯，高山拔劍叱之，自舵攏擊，持



巨斧手刃數賊，賊忽大至，猶自搏戰，力盡而死。遊擊擬以驗索商艘被害報，高山中表林穆如，陳狀當道，事得白。賊旋就獲，當事命磔祭之。事聞，奉旨陳得揚等救援弗力，致把總孤船無應，各調戍革職，高山用副將例賜恤，祀昭忠祠，世襲雲騎尉罔替。高山性坦率，疏財負氣，屈於數奇，生平功多為人所奪，與楊康靈等，號五虎，皆海上飛將也。子紹勳，官至廈門後營遊擊，以軍政罷歸。

劉高崇、郭廷邦

皆後浦人。官經制外委，戍於臺。張丙之亂，隨守備蔡長青，解軍器火藥赴嘉義，至曾文溪北，賊分股襲劫。官兵猝不及戰，回至溪，不得渡，為賊所戕。並予恤襲。

許朝陽

後浦人。遊擊鵬飛長子。屢隨提督寶振彪，在浙江擒洋盜，補廈門後營外委。咸豐三年，小刀會匪黃得美，竄據廈門，朝陽駕船隨提督施得高，討之於蓬礁，開砲攻擊，斃賊無數，忽被賊一砲打斷雙股，猶大呼殺賊者三而亡，年二十七。事聞，賜恤，世襲雲騎尉，祀昭忠祠。

楊天庇

後浦人。官金門鎮左營把總。咸豐間，由福州駕戰船出港，至海山苦嶼洋，艇匪三十餘隻圍之，天庇奮力拒敵，被火燒死。事聞，予恤如例。

邱聯恩

字偉堂，提督良功之子。弱冠襲爵，充乾清門侍衛。道光二十三年，授通州協副將，明年調河間。咸豐三年，粵寇竄近畿，聯恩帶兵赴直東交界留智廟防備，旋赴景州堵剿，擢南陽鎮總兵。適楚皖髮捻並起，河南當其衝，聯恩赴新野防次接篆，擒捻匪丁心田於黃家莊，賞戴花翎。時粵寇猖獗，由蕪黃直趨武漢，聯恩駐師西雙河以禦之，未幾，捻匪張洛行擾歸德，橫行潁亳間，巡撫英桂調聯恩往剿，連戰皆捷，斬賊無算。襄陽土匪起，奉檄同救，洛行乘隙擾陳州，聯恩兵至，賊望風遁，遂進克鄧州。聞賊由均州竄回豫境，復星馳回援，大敗之，斬捻首朱中立等。洛行復擾光固，分據淮南北岸，聯恩自鄧州迎戰於鳳尾集等處，賊大潰，光固襄陽悉平。捷聞，賞巴圖魯。洛行竄正陽，



聯恩與勝保夾擊破之，復正陽，旋擊敗捻黨於泌陽銀銅山，餘匪蹙蹙乞降，許之。調赴內鄉剿逸匪，山路險絕，冒雪攀籐而行，賊先期遁去，英桂奏剿辦遲延，摘翎頂。聯恩度賊必竄泌陽，倍道邀擊，生擒捻匪首胡倫修等，及老捻張汶成等，奏復翎頂，駐汝寧。粵寇陷麻城。復麻成，賊再犯商城，聯恩越山嶺，歷八晝夜追敗之，斬獲及落澗死者甚多。以逆首稽誅，將赴陳州，約皖軍合剿，師次息縣，巡撫恒福調駐光州，會洛行擾周家口，分擊之，賊夜遁，正在窮追，而恒福調統全軍駐鹿邑，於是洛行悍黨劉猗，擁賊突入祿境，歸德被圍，急督馬步四千馳援，賊竄寧陵，睢州，勢甚熾，乃捲甲趨戰，克二城，斬首數千，救出難民，賊奔鄆城，巡撫劾剿賊遲誤，奪職。洛行糾大股匪，竄踞舞陽之北舞渡，窺襄城，謀北犯，遣別股賊由五溝營奔上蔡。聯恩令參將穆特布分兵追之，而自督兵由鄆城一路轉戰於西北，驅賊往東南隅，以前有沙河橫阻，冀可一鼓殲旃，追至北舞渡二十里之喫虎橋，伏發，官軍整隊迎擊，殊死戰。會日向暮，狂風晦暝，遂不能收，賊馬數千壓陣而下，聯恩立陣前指揮督戰，見部將困賊中，乃躍馬衝入賊陣，欲救之，而賊至愈多，圍數重，馬跌，遂歿於陣，年四十八。事聞，文宗皇帝震悼，詔復原官，照提督例優恤，謚武烈，賜祭葬如典禮，予騎都尉世襲。巡撫瑛榮以中洲紳民合詞請建專祠入奏，詔於殉難地方，及原籍立專祠。旋以巡撫嚴樹森，學政景其濬，奏請入祀名宦。同治元年，賜祭一壇。聯恩本將家子，行軍紀律嚴明，所至居民爭獻芻穀，不受，兵勇皆感其威信，遵約束，廉俸悉充軍餉。在軍營六年，與士卒同甘苦，誓滅群賊，既殉難十餘日，獲屍面色如生，紳民祭殮如禮，旋櫬歸時，沿途哭奠者下絕。子三，炳忠襲三等男爵，炳信襲騎都尉，兼一雲騎尉。

邱樹功

後浦人。太學生，提督良功兄。性伉爽，少商天津，家貲盡付季弟，不問出入。時贍族中貧者。識功弟鎮功材，善視之，迨官守備，猶歲資三百金，貽書相勗，陝西李眼鏡，積負二萬餘金，質諸官，李詞屈，而力不能償，法當軍，復為營脫，李趨謝，則持起手曰：非訟無以自解於同事，顧君行，家口何以維生，釋君，則故交情分始全，心始安，奚謝為。晚年歸，念仲弟婦寡守，恤以千金，又分千金於季弟，囊橐遂空，未幾卒於津，家中落，時鎮功以官安平副將，歲調之。



薛師儀

號鼎臣，世居珠山鄉。官至金門總鎮。自少失怙，賴長兄師弼培養有成，即馳封武功將軍師弼也。儀服官時，凡舉動必稟命母兄，退食之暇，與家人談笑慈母前，務得歡心，依依孺子慕焉。咸豐十一年（1861），帶兵到浙堵擊髮逆，一日，眾寡不敵，被迫峽口溪邊，顧謂士卒曰：為國捐驅，雖不獲歸見老母，想亦不責我不孝之罪，為臣為子，終於此而已。正麾令反擊間，忽神人擁其馬上躍過大溪，賊不得近，全軍得免，其感動有如此者。計前後居官三十餘年，清風兩袖，無一事貽父母羞。母終，哭泣盡哀，與父合葬。每公餘，策蹇到墓，如侍晨昏，更於親墳對面，自營佳城，謂千秋魂魄常依膝下，迄今過其地者，無不見而興感云。

林邦璋

字維知，後浦北門人。為協署工科主稿，忠厚質直，謙言悅色，與人處者，如飲醇醪，里中咸稱其有古人之風。伯兄早逝，母事寡嫂，妻許氏亦善體夫意，事嫂曲盡趨承，未嘗使自澣一衣，滌一器，二十餘年如一日，家庭之間，融融翁翁，鄉之人今猶稱之。

郭秉衡

後浦人。臺灣安平協標把總。戴萬生作亂，從副將林得成進剿，於東大墩遇害，賜恤襲如例。

林高山、吳允興

俱後浦人。為金門鎮標外委。戴萬生作亂，從守備黃炳南赴鹿港，帶隊剿賊，奮勇放戰，俱受傷卒。

李震龍

字龍峰，後浦人。為金門左營外委。同治三年，髮匪李世賢踞漳州，陸路提督林文察，進軍瑞香亭，敗績死之，震龍以水師赴援，戰歿陣中。事聞，賜恤，子承勳襲職雲騎尉。

林文湘

字珠卿，後浦人。學者稱秋泉先生，博極群書，為文沈摯，遊長泰庠，屢屈秋闈，遂不復置意，肆力於詩古文詞，為歷任有司所敬禮。與金門縣丞蕭重



相契，詩酒倡和無虛日，語不及私。性耿直，急公義。道光間，大府奉部文，派採買，文湘以金門民力難堪，陳於當道，得免。分巡道周凱，以古文倡後學，尤器重之。文湘詩宗韓杜，兼長於駢體，著有《酴山房詩文集》若干卷。子章榘，長泰學增廣生。章榮，鎮標外委千總，孫資熙，拔貢生。

林樹梅


本姓陳，字瘦雲，副將廷福養子也。每從廷福巡洋，所至港汊夷險，隨筆記錄，長，學為詩古文詞，從巡道周凱及玉屏掌教高澍然遊，得其指授，故為文具有矩矱，嘗贊曹謹令鳳山，興埤頭水利。道光間，海氛告警，總督顏伯燾以幣聘之，上戰守謀策，議於刺嶼尾置戍，地無水，乃登山相度地脈，掘之得泉，因名曰林泉井，刻石井上，事平，當道奏授布政司經歷，欲改授武職，力辭。福州林文忠，于告歸，適籌議防海，樹梅密參帷幄，文忠赴粵辦賊，中途卒，樹梅感其知愛，為詩招魂，遂鬱鬱以歿，年未五十也。素好義舉，值年春，市縣衣數百給鄰里之貧者，曾遊鼓岡湖，訪得魯王墓請於當事清其界，樹碣墓石，自捐市崖為祭費，其負奇如此。以自幼受父鍾愛，不忍歸宗，乃迎養生母於廈門別業，取妾生子以繼其後。生平好山水游，喜吟咏，工篆刻，善畫，遊太姥峰繪圖題詩以歸，臨終，口占云：深負平生國士知，鹽車老駕欲何之，歸來化作孤山鶴，猶守梅花影一枝。著有《沿海圖說》，《戰船占測》及《歎雲文鈔》十二卷，《詩鈔》八卷，《歎雲鐵筆》一卷，《文章寶筏》一卷，《歎雲影集》，《詩文續鈔》，《日記》，若干卷。

林焜熿

字遜輝，後浦人，同安歲貢生。先問業於廈門道富陽周凱，又從玉屏山長光澤高澍然遊，故文有家法。嘗分修廈門志，出其手者居多，金門有志，亦其始纂。所著有《竹畦詩文鈔》，《浯洲見聞錄》、《宮閨詩話》，《竹畦筆塵》各若干卷。生平見義勇為，不辭勞瘁，如倡建育嬰堂，修大溝義塚，皆有關桑梓公益之事，故不獨以文鳴也。子豪，另有傳。

林豪

(1831~1918)，本名傑，字卓人，一字嘉卓，號次逋，官章豪。後浦東門人。父林焜熿，亦本鎮名士。林豪夙承家學，博覽史籍，能文章。咸豐九年(1859)舉人。後屢困公車，然數奇而文益工。



同治元年（1862）秋，至台灣，居艋舺（今台北市萬華），時彰化戴潮春起事，竹塹林占梅奉檄辦團練，見而禮之，延主潛園相與討論文史。同治二年事平，林豪遊府治，因就見聞所及，撰《東瀛記事》二卷，以志此役始末。

同治六年（1867），淡水同知嚴金清聘修廳志，林豪乃與林占梅商訂體例，開局採訪，凡九月，成書十五卷，未刊，而陳培桂任同知，別延候官人楊凌修之。凌乏史識，多妄加改竄，豪大憤，撰《淡水廳志訂謬》以彈之。嗣就澎湖人士之聘，主講文石書院，又輯澎湖廳志，稿存台南。光緒十八年（1892），台灣議修通志，各廳縣皆有採訪，而澎自法役（光緒十年法軍侵占）之後，建設尤多，通判潘文鳳，乃再聘豪成之，凡十四卷。

林豪後歸金門，續成《金門志》，宣統元年（1909）重遊泮水，選授連城縣學教諭，以年老不就。林豪一生著作甚豐計有：《誦清堂詩集》十二卷、《誦清堂文集》十六卷、《陶園求是錄》二卷、《東溟紀事》二卷、《瀛海客談》四卷、《星洲見聞錄》二卷、《閩南俚語對》一卷、《海東隨筆》、《可炬錄》等書。有清末季，金門以文學傳者，首推林焜熿、林豪父子。




圖11-4 林豪遺像。

洪作舟

號晴川。後浦北門人。光緒八年（西元1882年）壬午科舉人。精書法，



篆隸俱工；又善繪畫，花卉翎羽，栩栩如生，飲譽多時。除於書畫藝術的造詣外，晴川居鄉里亦熱心公益，舉凡城隍廟、北帝廟、共濟橋之築葺，乃至《金門志》之增修，皆有其身影，尤今北帝廟中聯「屏開太武千翠；座倚勾陳列宿環」，乃晴川少見之行書手筆，獨無署名，故知者極希，此晴川不居功、不顯名之一例，其人不獨以藝名顯揚於世，亦鄉里真賢達也。卒後葬於賢聚三板橋田埂。

呂化鯤

（1840～1906），諱藻生，號西江。先世原居於金湖庵邊，後遷移小徑，再遷至後浦北門，遂占籍焉。化鯤於清末諸生中，享有文名，善行草，與後浦許蘭臺、湖下楊都試、珠山薛學海，稱「清末金門四秀才」。化鯤除了書文俱佳，亦熱心公益，光緒12年金城城隍廟重修，身為生員的呂化鯤出任紳董，協助營建及勸募，卓有成效，遺有碑文傳世。卒葬東州赤塗埔。

王星槎

字升源，後浦南門人。清末諸生。工詩，精書法。

王啟浯

（1824～1877），字炳璋，號披源，官章鍾秀。王啟浯以平台戴逆案有功，賞戴藍翎，職授五品同知。武廟重建捐題碑記由其撰寫。葬於台灣彰化城東番仔井山（現名八卦山）。

王三培

（1830～1900），字篤栽，官章森田，前清邑庠生，係王啟浯之弟。王森田學問淵博，在城內設帳授徒，教育子弟，培育英才，提振文風，是有名私塾老師。光緒12年，金城城隍廟捐題翻蓋，王森田榮任紳董，協助重修金城城隍廟，卓有成效，遺有碑文記載。

邱再生

諱輿，字慶堂，前清庠生。邱再生在金門城內設帳授徒，城內四境子弟從遊者眾，遠從金水來學的李篤敬（即李式衿），跟邱再生習書一年，第二年即赴同安縣城考取生員，此事轟動全島，一時聲名大噪，另邱再生為人謙樸，性沈默堅忍，精通本草脈理諸書，民國初年曾於後浦「存德藥行」擔任駐店藥師



一年，懸壺濟世，助困扶厄，病者多來求醫，所開藥方多能見效，遺有手抄藥書一本。

邱景

（1843～1907），字清時，官章京山，金門城人，前清鄉飲大賓，清誥封奉政大夫。邱京山為人嚴謹廉直，熱心公益，處事公正，是當時金門城內的鄉紳大老，負責調解排難，地方大小事務處理，早有名聲，因此由金門糧捕海防分縣提為鄉飲賓；且特授泉州府儒學正堂吳穆賜「望重鄉閭」匾。

盧天降

（1865～1897），字新桓、一字秉筠、又字任臣、別字友梅，乳名天降，諱松志，盧成金公子。盧松志因父親盧成金軍功之故，蔭正六品武職的武信騎尉，松志為同安縣附生，自幼聰穎巧慧，善詩文，及長考取生員。

盧天爵

（1869～1925），諱植志，字蠖巢、一字小儒、又字幹甫，乳名天爵，亦盧成金公子。盧植志擅繪墨梅，詩詞書款秀麗，文人畫風，設帳授徒於賢聚、珠山、東沙等地，並為東沙王氏撰寫族譜，精通藥理，遺有手抄藥書。

林資杰

（1862～1919），字及甫，乳名西申。資杰天賦聰穎，學識超人；早歲入泮，勤學不輟，誨人不倦，長泰縣歲貢生，就職縣丞，光緒庚子廈門虎頭山案內獎加五品頂戴，著有《誦芬堂詩文集》。

光緒二十五年（1899），林資杰與楊都試（字篤藩，宣統元年己酉科第二名鄉貢進士）、林鈞德（字欣仲，又字賚卿）、劉宗澤、程瑞春等紳商倡議集股與廈商黃姓合資包租利濟安小輪，行駛金、廈，尋常搭客每人收船費銀元三角，眾皆稱便。

光緒三十二年（1906）夏，林豪與林資杰、陳佐材、楊都試、許贊虞、林乃斌、楊濟銘等金門仕紳多人，請於副將劉賢斌、縣丞俞同愷捐廉為倡，並各量力輸助，集資五百元，購石續修建位於後浦同安渡頭的金門石橋，稱「共濟橋」；餘款並在渡頭增築路亭一座，稱「共濟亭」，供過客休憩，既免病涉又可肩息，民皆稱便。民國元年，林資杰被選為首任農會正會長。卒後葬於頂后



垵鄉後，土名山頂腳溝墘。

陳啟鳳

字延尾、號德尾，官章啟鳳，邑庠生，前清賞戴花翎誥授奉政大夫。陳啟鳳為人溫厚，英氣拔群，好就義行，凡公共事務莫不勇為，奔走公務，不辭辛勞，在地方頗具聲譽，後因功賞戴花翎並授五品奉政大夫官銜。民國元年，林資杰被選為首任農會正會長，張茂椿為副會長，後來林資杰因故辭職，陳啟鳳補選為農會正會長。為農民提供服務，當時農會附設於後浦東門觀音亭後殿。陳啟鳳擔任民國十年版《金門縣志》採訪員。

王星源

（1851～1916），字啟泰，號秋槎、漢楂、天性忠厚，豁達自喜，少入邑庠，為前清貢生，光緒二十四年倡設平糶局、救貧等善事，一生工詩章、善書法。光緒12年（1886年）金城城隍廟重修，身為生員的王星源出任紳董，協助營建及勸募，卓有成效，並書寫城隍廟捐題翻蓋芳名（甲、乙）二碑文，此碑文為研究清末金門仕紳活動重要碑文，由此可窺見王星源的楷書精妙，傳世的石碑作品。卒後葬於葬埔邊田地。

黃斗星

（1861～？），字堯臣、號臺三，官章斗星。七歲從學於功兄宣昭，年十六又從學於大功伯邑庠生黃肇祥，二十二歲從學后湖許春時邑庠生之門，年二十七歲考取為縣學生員，後回家設帳，並自光緒十八年修金水族譜。黃斗星從師為學二十年，親於筆硯不輟；回鄉設帳授徒，其私塾名為「題塔書齋」，主要以金水及謝厝、金門城附近的生童為主。

林資熙

字警甫、由拔貢生舉於鄉，後浦人，考授八旗教習，生平私淑程學，寢饋於四子六經，不慕榮利，以師儒自任，授徒甚眾，一時才，多出其門。卒年未四十，儒林惜之。

林乃斌

名錫福、字劍芝，學名邦垣、前清廩膳生，後浦東門人，性聰穎，過目不



忘，清末官立學堂被任為監督，於時清政不綱，外患日迫，革命思潮澎湃海內外，乃斌於學生都能導以民族大義。辛亥之秋，與黃卓漢、林燕貽，在金組織同盟會，群推為會長，同盟會改為國民黨後，復任主席。金門舊屬同安，民初又隸思明，每有訟事，隔海投訴，島民苦惱之。

張茂椿

諱清波、字冰如，官章茂椿，晚號壹叟，後浦東門人，歷任長泰、海澄、龍溪各縣教諭，漳州府學教授，宣統元年（1909）委署羅源縣學教諭。民國八十一年版金門縣志卷十二人物志文秩表、例仕有載。張茂椿工詩善文，著有張壹叟詩集，惜今未見其書。金門縣縣長韓福海去思碑」立碑時間為民國十八年三月由張茂椿撰。

張清淵

（1858～1935），官章壽椿，前清貢生，其人漢學廣博，為人溫厚，資性剛毅，英氣拔群，接掌家族事業後，經營得法，業務更盛。

薛學海

（1848～1905），名夢賚，字前惠，號錫夫，山仔兜人，邑庠生，例貢生。薛學海最為人所知的事蹟是光緒12年（1886）擔任金城城隍廟紳董，協助重修金城城隍廟，遺有碑文傳世。薛學海乃珠山薛氏第20世裔孫，熱心宗務，積極參與修族譜工作。薛學海於光緒19年（1893）重修了金門薛氏族譜，距離前次道光28年（1846）19世薛師元之重修凡歷45載，具體填缺清末金門薛氏族譜，明宗族衍派發展，有不世之功。

許蘭臺

後浦人，庠生。與呂化鯤、楊都試、薛學海齊名，稱「清末金門四秀才」。其妻胡氏，年29歲，因夫許蘭臺身故，無子守節，後撫弟之子為嗣」，足彰顯其夫妻孺慕之情及泱泱家風。

許耀焜

（1838～1905），後浦南門人，字公儒，又字小儒、號藹生、又號安士，工書、善詩、精音律。前清歲貢生。先後設帳授業於後浦南門及新加坡，晚年因閩僑之聘南遊新加坡，遂逝於星洲，葬於仁記山。金門縣志卷十二人物志記



載為光緒癸巳十九年（公元1893年）貢生，另一記載為歲貢生。許耀焜少警敏，嗜學博覽群書，為文鍛經鍊史，由廩生膺光緒癸巳十九年歲貢，一生愛書、嗜書，不慕榮名，為人謙虛自持。喜彈琵琶，精音，閒時一曲御前清音，自娛娛人。春風桃李，獎掖後進，門下多俊秀。

顏榮

（1806～1881），同安人，邑庠生，因贅金門吳姓，遂家焉，生平以課徒為業。非公事不入公門，為縣丞郭炳章所引重，素精岐黃術。病者服其方，立愈，有生死人肉白骨之稱。尤敬恭桑梓，數典常不忘祖。同治間，以老生欽賜副貢。葬在東州赤仔埔路亭後，子旌耀歲貢。

顏旌耀

（1845～1902），諱江浚，字有家、號宣三，顏榮之子。光緒五年（1879）己卯科歲貢。顏有家克紹箕裘，承繼父志，在後浦南門課徒制藝，獎掖後進，為後世稱表，后湖著名廩膳生許嘉南（字、又名塗）即為其高徒弟子，並妻之以女，傳為一段美談。

許維舟

字允楫，後浦人，同安縣廩膳生員，科舉廢後，遊印尼三寶經商，國父號召革命遂入同盟會，民國肇建，曾膺選華僑代表至北平。曹錕賄選，拂袖歸，於鄉里頗多建樹，魯王墓亭，即其募築。鼎新之際，並時諸紳崇尚霸氣，惟維舟謙謙君子，溫和敦厚，廉正謹飭，有儒者氣象，為鄉里所景仰，博學，工書，入二王藩籬，金門人牌匾聯對，多出其手，至今墨蹟甚夥。抗戰軍興，避印尼，數年卒，時年蓋八十餘。

第四節 民國人物

許水龍

後浦人。民國二十六年，金門淪日，逃亡內地，參加地下工作，為交通員，常潛返金門蒐集情報，三十一年正月初八，假烈嶼青歧洪水尚家為聯絡站。被洪逆目舟發覺，密告敵警本部，會同日海軍派遣隊前往逮捕。許開槍抵抗，傷敵通譯員，印跳樓圖脫，被偽警洪啟明摟住，敵警察本部部長小森砍斷腳筋，遂被擒，受盡毒刑，終不肯供出在金同志，翌日傷重死亡。許氏身上有



許順煌烈士情報，未及銷毀，致牽連甚廣。

王精英

後浦人。擅書，學歐陽詢體，參加許順煌工作，主文書筆札，而陽在偽行政公署擔任文書股長職務，以作掩護，順煌既被捕，在其家搜出文件多種，均精英筆跡，精英幾不免。幸順煌機警，自承是乃戴某所為也。戴某者，偽行政公署股長，禍害鄉里，甘為虎俛者也。其書亦學歐陽詢體，日寇驗之果似，遂殺戴某，而精英得全。順煌死，精英遂繼其任，於情報工作亦多收獲。三十四年春，事洩被捕，受嚴刑。未幾，勝利報至，歡呼興奮，終因受刑過重不起。卒年三十四。父查某，哭子慟，赴海死，母黃綴，至四十五年卒。當時軍政嘉其有予忠烈，為臨其喪云。

王秉垣

後浦人，父廷恭，邑之宿儒，畢生從事教育，作育多士。秉垣生於民國六年，幼受庭訓，研習儒學，弱冠服黨政公職。抗戰軍興，主持大嶼前線黨務，兼任抗敵後援會主任，蒐集敵情，防匪肅奸，貢獻良多。卅四年返鄉，先後任烈嶼、金城鄉鎮長，縣政府指導員，中國國民黨金門縣委會改造委員、主任委員。五十二年受命創設金門圖書館、社會教育館、擔任首任館長以迄屆齡退休，前後近二十年。任內策劃編纂縣誌、先蔣總統與金門、血仇血債、金門先賢錄等文獻叢書二十餘種，設立金門歷史文物館，興建延平郡王祠，整修古浯江書院、海印寺、文台古塔等名勝古蹟十餘處。倡導四書講座，延請國學大師錢穆蒞金演講指導。退休遷居台北中和，仍然熱心公益，連絡僑胞捐資籌建金門華僑之家，會同旅台各地金門同鄉會創辦金門之光雜誌社。解私囊複印宋儒朱熹、明延平郡王墨寶及其他治金拓印石刻碑文，分贈各界人士，其弘揚傳統文化，愛護鄉梓之精神，令人欽敬。七十五年夏，為籌建中和浯江新莊社區活動中心，四處奔走協商，不幸歸途身遭車禍不治謝世，生前長官僚屬、故舊好友，咸感其秉性忠純，宅心仁厚，熱忱公益，服務社會，績效卓著，莫不潸然，徒呼天不佑賢。

陳卓凡

諱丁堅，後浦人，少畢業於廈門集美中學，任教泉屬縣立小學，壯年一度遠赴荷屬東印度三保瓏執教，嗣後返國回鄉。未幾抗戰軍興，廿六年十月廿



六日金門淪陷，乃緊隨政府暫避同安縣馬巷區，喘息甫定，深感同胞流離失所，即起而籌組金門縣難民救濟機構，一方面會同當地商會，一方面籲請旅外同鄉輸款救濟，使眾多災黎得免淪散，先生功莫大焉。抗戰八年，尤不以環境困難而改其志，先後奔走同安、南安、永春、長泰等地，參加抗日復土工作，危難不避，貢獻良多。光復後，先生隨即返鄉，全力協助政府善後復員，藉一己聲望，深得地方人士配合，金門金融商務遂得順利萌芽，旋被選為商會理事長，卅五年間，又獲選金門縣參議會參議員、副議長。金門地壤貧瘠，邑人僑居海外者為數至眾，遍佈星、馬、印尼、泰、緬、日本等地。勝利後爭相返鄉探親，祭掃廬墓，政府為因應華僑紛至沓來諸務，遂令地方創設華僑協會，協助辦理僑務措施，因先生天性淡泊，熱心僑務，深受各埠僑胞信賴有加，故當選為華僑協會理事長，連續擔任三十餘年，完成金門華僑之家、服務歸僑、照顧僑眷，強化僑胞對鄉梓向心。先生為人，狷介不阿，忠黨愛國，治事謙虛厚道，德望著於地方，先後曾任金門軍友社理事長、救國團金門支隊團委會主委，滅共保鄉委員會主委，本縣合作社發起人及理事主席，佛教會金門支會理事長，及金門文獻會主委，出版叢書縣志，恢宏地方文化。四十五年，金門實施戰地政務，因應政情需要，被徵召擔任政委會委員，以迄謝世，在此三十餘年間，協助政務，未嘗絲毫隕越。五十五年十二月，先生因貢獻卓越，榮獲先總統 蔣公頒贈陸海空軍褒狀，同年並獲選全國好人好事代表。先生生於民國前八年十二月十八日，卒於七十七年四月二日，享壽八十有六，孫曾繁多，福壽雙全。在台病逝後，火化安葬於台北市陽明山第一公墓。（民81年《金門縣志》）

林乃熾

字劍芝，清廩生，後浦東門人。性聰穎，過目不忘。清末，官立學堂，被任為監督，於時清政不綱，外患日迫，革命思潮澎湃海內外，斌於學生都能導以民族大義。辛亥之秋，與黃卓漢、林燕詒，在金組織同盟會，群推為會長，同盟會改國民黨後，復任主席。金門舊屬同安，民初又隸思明，每有訟事，隔海投訴，島民苦之，斌呼籲鄉僑，聯名向福建省政府，呈請設治，民國四年，獲准成立，乃斌與有力焉。十年纂修縣志，恭請福州劉敬主篇，而蒐羅文獻，參酌損益，乃斌之力為多。二十六年抗日戰起，避難僑寓星洲，流離瑣屑，備



嘗艱辛，而愛國懷鄉，則終未去懷。四十六年十月卒，年七十六，詩文著作甚夥，流傳海外。

傅錫祺

字維壁，後浦人，清諸生。民國成立，任商會會長，於觀德堂興建商會會所，倡建模範街、菜市場，熱心公益，不避恩怨。時縣治新立，科派苛雜，祺從中維持，能顧大體。尤注意地方實業，曾試辦養殖場於徑林，有張南通風、福建巡按使許世英，曾表其門曰，一鄉之望。北伐軍興，謝事走南洋，越數年歸里，旋卒。



圖11-5 傅錫祺銅像。

許允選

字初蕊，後浦人。民二十年，膺選縣商會會長。抗戰軍起，避地鼓浪嶼，參加難民救濟工作，人頗德之。三十七年，代本縣參議會議長，翌年，大陸棄守，大軍雲集，允選溝通軍民感情，協助籌辦軍民供應站，安定地方，著勞績焉。

王觀漁

(1917~1983)，字謂濱，號燕南。其先金門西山人，父式才於清末遷居後浦，遂家焉。

觀漁弱冠值日本陷金，不願屈身異族統治，乃出逃，入福建保訓所，從事敵後工作，並於南安擔任校長多年。



抗戰勝利後，觀漁回鄉，先後擔任古湖鄉長、珠浦鎮長，並被選為中國國民黨縣黨部執行委員，兼縣參議會秘書。民國卅六年當選第一屆國民大會代表。

後入臺續任公職，卅七年兼任憲政督導委員會督導委員、勘亂建國委員會委員；卅八年兼任福建省反共保民動員委員會委員、福建省政府參議；卅九年任福建省黨部專員，兼金門縣黨部書記長。後相繼擔任金門縣文化委員會主任委員、金門民眾救濟委員會駐臺辦事處主任等職。並於國民大會代表期間，於大陸設計委員會、憲政研究委員會，頗有發揮。

除公職經歷外，觀漁幼受經史，繼研文學，於詩、詞、文章，造詣精深；於書法亦擅長，為當代大家所推許，今後浦「奎閣」正門對聯：「魁星靜照浯江水，閣柱遙懸武巘雲」，即其手筆。

居臺期間，頗為風雅，先受創設「仙洲月刊社」並任社長；四十年又兼任「綠洲社」社長；四十三年創立「庸社」並任主任委員。復與胡商彝、賈景德、陳含光、鄭曼青等創辦「江漢月刊」；旋應何成濬、秦純德等之邀，組「中國文化學會」附設「中國文化月刊」；期間並與大嶠張作梅等相唱和，擔任「中華詩苑」副社長、「詩文之友社」副社長、「潮聲詩苑」社長等。其詩文創作甚夥，著有《燕南行卷》、《金臺笠影》、《岷江題襟》、《百玉詩草》等。



第二章 近世聞人

第一節 將軍

金門縣金城鎮縣籍軍旅將官名錄				
軍階	頒授年份	姓名	學位名銜	原籍地
中將	79.1.1	顏忠誠	陸軍官校	後浦
	95.1.1	王世塗	陸軍官校	東沙
	97.1.1	孫玦新	陸軍官校	夏墅
少將	83.1.1	蔡承林	陸軍官校	前水頭
	89.1.1	吳伯源	陸軍官校	小西門
	89.1.1	洪廷舉	陸軍官校	后豐港
	91.1.1	李陳同	陸軍官校	後浦
	91.1.1	許乃權	陸軍官校	後浦
	91.7.1	張雙榮	憲兵學校	夏墅
	92.7.1	林芳旋	警備總部幹訓	珠山
	93.1.1	王建華	政戰學校	東沙
	93.7.1	常四偉	空軍官校	後浦
	94.1.1	陳世團	政戰學校	前水頭
	94.1.1	董龍泉	陸軍官校	古崗
	94.7.1	林逸碩	中正理工	後豐港
	95.1.1	潘其岳	陸軍官校	後浦
95.7.1	許燕情	憲兵學校	後浦	
96.1.1	許國智	海軍官校	後浦	
96.7.1	黃開森	政戰學校	前水頭	
96.1.1	許有義	陸軍官校	後浦	
97.1.1	許績陵	憲兵學校	官裡	

第二節 博士

金門縣金城鎮縣籍博士一覽表				
姓名	性別	學校學位	取得年份	祖籍
王蓉	女	美國密西根大學醫學博士	86	後浦人
王薇	女	美國波士頓大學法學博士	83	後浦人
王心德	男	成功大學機械博士	95	後浦人
王民峰	男	菲律賓聖道多馬大學醫學博士 (住菲律賓)	52	後浦人
王兆明	男	菲律賓大學醫學博士	86	後浦人
王威雄	男	美國加州柏克萊大學機械工程博士	56	後浦人
王威廉	男	菲律賓聖多馬大學醫學博士	57	後浦人
王玲玲	女	菲律賓加牙鄢光啟大學醫學博士	79	後浦人
王祥辰	男	台灣大學光電所博士	95	
王湧泉	男	國立中山大學社會科學博士	90	東沙人
王競鵬	男	美國加州柏克萊大學機械工程博士	59	後浦人
石曉楓	女	台灣師範大學文學博士	93	後浦人
吳兩新	男	國立台灣大學畜牧學系農學博士	78	吳厝人
吳金贊	男	文化大學哲學博士	70	後浦人
吳建煌	男	國立台灣大學理學博士	85	小西門人
吳雪鴻	男	新加坡大學科學博士	82	小西門人
吳慧珠	女	國立高雄師範大學教育學	91	後浦人
林玉基	男	菲律賓宿霧醫學院醫學博士(住菲律賓)	86	後浦人
林高茂	男	美國史坦大學電機工程博士	47	後浦人
林開立	男	美國加州大學洛杉磯分校電機工程博士	81	後浦人
林樹人	男	美國奧勒州立大學機械工程博士	74	後浦人
邱少青	男	美國耶魯大學電腦學博士	81	金門城人
邱漢傑	男	美國羅斯特大學機械工程博士	82	後浦人
姜偉家	男	澳大利亞莫拉斯大學哲學博士	88	後浦人
洪進業	男	國立台灣大學史學博士	90	後浦人
洪曉慧	女	國立臺灣大學土木工程學博士	88	後浦人
洪篤傑	男	國立中山大學機械工程學系博士	90	后豐港人



金門縣金城鎮縣籍博士一覽表

姓名	性別	學校學位	取得年份	祖籍
洪家瑤	男	美國奧克拉荷馬大學核子醫學博士	74	後浦人
唐惠欽	男	國立成功大學工業管理科學研究所博士	86	後浦人
唐蕙韻	女	中國文化大學中文博士	92	後浦人
徐宏昇	男	國立交通大學電機資訊學院電子研究所博士	86	後浦人
張赫烜	男	美國雪城大學電機博士	86	後浦人
張瑞瑾	男	陽明大學微生物及免疫所	94	
張寶塔	男	美國西北大學管理學博士		後浦人
莊翰華	男	德國多特蒙德大學空間規劃工程博士	83	後浦人
許佳興	男	國立成功大學工學電機工程	92	
許和平	男	英國薩爾福特大學化工博士	61	後浦人
許宗傑	男	國立台灣大學土木工程博士	95	後浦人
許怡隆	男	國立政治大學國際貿易學系博士	89	後浦人
許林秀美	女	美國紐約州立新澤西理工學院化學土木工程博士	81	後浦人
許績天	男	美國波士頓大學經濟學	93	後浦人
許績興	男	私立元智大學工學(工業工程)博士	88	後浦人
郭哲來	男	美國俄亥俄州大學化學物理	92	後浦人
陳立人	男	美國德農工大學化學博士	81	金門城人
陳菊士	男	菲律賓宿霧醫學院醫學博士(住菲律賓)	67	後浦人
陳黎莉	女	菲律賓宿霧醫學院醫學博士	62	後浦人
陳樹榮	男	美國密西根州立大學材料工程系博士	78	金門城人
傅仰民	男	美國賓州天普大學電腦資訊博士	90	後浦人
黃漢誠	男	國立台灣大學生命環境系統工程所	93	後浦人
楊婉瑩	女	美國密西根州立大學政治學博士	88	後浦人
楊淑鎮	男	美國佛羅里達大學工程科學博士	79	後浦人
楊錦洲	男	國立交通大學管理科學研究所博士	68	後浦人

金門縣金城鎮縣籍博士一覽表

姓名	性別	學校學位	取得年份	祖籍
楊錦章	男	美國愛荷華大學統計學博士	84	後浦人
楊濬哲	男	國立交通大學電機資訊電子所工學博士	84	後浦人
葉自結	男	美國哥倫比亞大學文學博士	70	金門城人
葉競榮	男	美國科羅拉多州立大學電機博士	83	金門城人
董勇進	男	美國肯塔基大學資訊管理博士	83	古崗人
董浩鈞	男	國立中山大學工學電機工程	92	古崗人
董燊	男	北京體育大學教育博士	94	古崗人
劉以安	男	菲律賓加牙鄺光啟大學醫學博士 (住菲律賓)	78	後浦人
劉以濟	男	菲律賓東方大學醫學博士(住菲律賓)	75	後浦人
劉亮雅	女	台灣大學外文系博士	82	後浦人
歐明德	男	美國威斯康辛大學化學博士	62	歐厝人
歐進福	男	美國田納西大學經濟學博士(住新加坡)	61	歐厝人
歐陽堅	男	美國紐約州立大學哲學博士	86	歐厝人
蔡宏斌	男	國立清華大學化工博士	81	前水頭
蔡超人	男	國立台灣科技大學電機工程博士	86	後浦人
蔡瑞禧	女	國立清華大學化工博士	87	前水頭
盧永坤	男	國立清華大學原子科學理學博士	89	賢厝人
盧志勤	男	美國特拉華大學哲學博士	84	賢厝人
薛承泰	男	美國威斯康辛大學社會學博士	81	珠山人
薛承輝	男	美國加州柏克萊大學材料工程博士	71	珠山人
薛芳谷	男	加拿大多倫多大學物理學博士 (住新加坡)	61	珠山人
薛芳規	男	菲律賓遠東大學醫學博士(住菲律賓)	63	珠山人
薛芳婷	男	菲律賓遠東大學醫學博士(住菲律賓)	70	珠山人
薛雅薇	女	加拿大多倫多大學哲學博士	87	珠山人
薛潮勇	男	英國Warick大學		珠山人